

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं
—

कृष्ण यजुर्वेदीय तैत्तिरीय संहिता क्रम पाठः

सप्तम काण्डे, पञ्चमः प्रश्नः

Version Notes:

This is now the current Version 1.0 dated March 31, 2022

1. This replaces the earlier version 0.0 dated Mar 01, 2019.
2. We have listened to the Krama Paaraayanam telecast by TTD channel. The corrections found have been updated . The corrections found and reported till March 31, 2022 are also updated.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id vedavms@gmail.com

Earlier Versions

1st Version Number 0.0 dated Mar 01, 2019

Table of Contents

7 कृष्ण यजुर्वेदीय तैत्तिरीय संहिता क्रम पाठः	4
7.5 सप्तम काण्डे पञ्चमः प्रश्नः – सत्रविशेषाभिधानं	4

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

7 कृष्ण यजुर्वेदीय तैत्तिरीय संहिता क्रम पाठः

7.5 सप्तम काण्डे पञ्चमः प्रश्नः – सत्रविशेषाभिधानं

TS 7.5.1.1 - Kramam

गा॒वो वै । वा ए॒तत् । ए॒तत् स॒त्रम् । स॒त्रमा॑सत । आ॒स॒ताशृ॑ङ्गाः ।
अ॒शृ॒ङ्गाः स॒तीः । स॒तीः शृ॑ङ्गाणि । शृ॒ङ्गाणि॑ नः । नो जा॒यन्तै॑ ।
जा॒यन्ता॒ इति॑ । इति॑ का॒मेन॑ । का॒मेन॑ ता॒साम् । ता॒साम् द॑श ।
द॑श मा॒साः । मा॒सा नि॑षण्णाः । नि॑षण्णा आ॒सन् । नि॑षण्णा इति॑
नि – स॒न्नाः । आ॒सन्ना॑थ । अथ॑ शृ॒ङ्गाणि॑ । शृ॒ङ्गाण्य॑जायन्त ।
अजा॑यन्त ताः । ता उ॒त् । उ॒दति॑ष्ठन् । अ॒तिष्ठ॑न्नरा॒थस्म । अ॒रा॒थस्मेति॑ ।
इ॒त्यथ॑ । अथ॑ या॒साम् । या॒साम् न । नाजा॑यन्त । अजा॑यन्त ताः ।
ताः स॒म्व॑त्स॒रम् । स॒म्व॑त्स॒रमा॑प्त्वा । स॒म्व॑त्स॒रमि॑ति
स॒म्व॑त्स॒रम् । आ॒प्त्वो॒त् । उ॒दति॑ष्ठन् । अ॒तिष्ठ॑न्नरा॒थस्म ।
अ॒रा॒थस्मेति॑ । इति॑ या॒साम् । या॒साम् च । चाजा॑यन्त ।
अजा॑यन्त या॒साम् । या॒साम् च । च॒ न । न ताः । ता उ॒भयीः॑ ।

उ॒भयी॒रुत् । उ॒दति॒ष्ठन् । अ॒ति॒ष्ठन्न॒राथ्स्म॑ । अ॒राथ्स्मे॒ति॑ ।
 इति॑ गो॒स॒त्रम् । गो॒स॒त्रम् वै॑ । गो॒स॒त्रमि॒ति गो॑ – स॒त्रम् ।
 वै सम्॑व॒थ्सरः॑ । १ (50/53)

TS 7.5.1.2 - Kramam

सम्॑व॒थ्सरो॒ ये । सम्॑व॒थ्सर॒ इति॑ सम् – व॒थ्सरः॑ । य ए॒वम् ।
 ए॒वम् वि॒द्वाँसः॑ । वि॒द्वाँसः॑ सम्॑व॒थ्सरम् । सम्॑व॒थ्सरमु॒पय॑न्ति ।
 सम्॑व॒थ्सरमि॒ति सम् – व॒थ्सरम् । उ॒पय॑न्त्यृ॒द्धनु॑वन्ति ।
 उ॒पय॑न्तीत्यु॒प-य॑न्ति । ऋ॒द्धनु॑वन्त्ये॒व । ए॒व तस्मा॑त् । तस्मा॑त् तू॒परा॑ ।
 तू॒परा॑ वा॒र्षिकौ॑ । वा॒र्षिकौ॑ मा॒सौ । मा॒सौ प॒र्त्वा । प॒र्त्वा च॑रति ।
 च॑रति स॒त्राभि॑जितम् । स॒त्राभि॑जित॒ँ हि । स॒त्राभि॑जितमि॒ति
 स॒त्र – अ॒भि॒जितम् । ह्य॒स्यै । अ॒स्यै तस्मा॑त् । तस्मा॑त्
 सम्॑व॒थ्सर॒सदः॑ । सम्॑व॒थ्सर॒सदो॒ यत् । सम्॑व॒थ्सर॒सद॒ इति॑
 सम्॑व॒थ्सर – स॒दः । यत् किम् । किम् च॑ । च॒ गृ॒हे । गृ॒हे क्रि॑यते ॥
 क्रि॑यते तत् । तदा॒प्तम् । आ॒प्तम॑व॒रुद्धम् । अ॒वरुद्ध॑म॒भि॒जितम् ।
 अ॒वरुद्ध॑मित्य॒व – रु॒द्धम् । अ॒भि॒जितम् क्रि॑यते ।

अ॒भि॒जि॒त॒मि॒त्य॒भि॒ - जि॒त॒म् । क्रि॒य॒ते॒ स॒मु॒द्र॒म् । स॒मु॒द्र॒म् वै ।
वा ए॒ते । ए॒ते प्र । प्र प्ल॒व॒न्ते । प्ल॒व॒न्ते ये । ये स॒म्॒व॒त्स॒र॒म् ।
स॒म्॒व॒त्स॒र॒मु॒प॒य॒न्ति॑ । स॒म्॒व॒त्स॒र॒मि॒ति॑ स॒म् - व॒त्स॒र॒म् । उ॒प॒य॒न्ति॑
यः । उ॒प॒य॒न्ती॒त्यु॒प - य॒न्ति॑ । यो वै । वै स॒मु॒द्र॒स्य॑ । स॒मु॒द्र॒स्य॑
पा॒र॒म् । पा॒र॒म् न । न प॒श्य॒ति॑ । प॒श्य॒ति॑ न । न वै । वै सः ।
स त॒तः । त॒त॒ उत् । उ॒दे॒ति॑ । ए॒ति॒ स॒म्॒व॒त्स॒रः॑ । स॒म्॒व॒त्स॒रो॒ वै ।
स॒म्॒व॒त्स॒र॒ इति॑ स॒म् - व॒त्स॒रः॑ । 2 (50/60)

TS 7.5.1.3 - Kramam

वै स॒मु॒द्रः॑ । स॒मु॒द्र॒स्त॒स्य॑ । त॒स्यै॒तत् । ए॒तत् पा॒र॒म् । पा॒र॒म् य॑त् ।
य॒द॒ति॒रा॒त्रौ । अ॒ति॒रा॒त्रौ ये । अ॒ति॒रा॒त्रा॒वि॒त्य॒ति॑ - रा॒त्रौ । य ए॒व॒म् ।
ए॒व॒म् वि॒द्वा॒ऽसः॑ । वि॒द्वा॒ऽसः॑ स॒म्॒व॒त्स॒र॒म् । स॒म्॒व॒त्स॒र॒मु॒प॒य॒न्ति॑ ।
स॒म्॒व॒त्स॒र॒मि॒ति॑ स॒म् - व॒त्स॒र॒म् । उ॒प॒य॒न्त्य॒ना॒र्ताः॑ ।
उ॒प॒य॒न्ती॒त्यु॒प - य॒न्ति॑ । अ॒ना॒र्ता॒ ए॒व॑ । ए॒वो॒दृ॒च॒म् । उ॒दृ॒च॒म्
ग॒च्छ॒न्ति॑ । उ॒दृ॒च॒मि॒त्यु॒त् - ऋ॒च॒म् । ग॒च्छ॒न्ती॒य॒म् । इ॒य॒म् वै ।
वै पू॒र्वः॑ । पू॒र्वो॒ऽति॒रा॒त्रः॑ । अ॒ति॒रा॒त्रो॒ऽसौ॑ । अ॒ति॒रा॒त्र इ॒त्य॒ति॑ - रा॒त्रः॑ ।
अ॒सा॒वु॒त्त॒रः॑ । उ॒त्त॒रो॒ मनः॑ । उ॒त्त॒र इ॒त्यु॒त् - त॒रः॑ । म॒नः॑ पू॒र्वः॑ ।

पूर्वो वाक् । वागुत्तरः । उत्तरः प्राणः । उत्तर इत्युत् – तरः ।
 प्राणः पूर्वः । प्राण इति प्र – अनः । पूर्वोऽपानः । अपान उत्तरः ।
 अपान इत्यप – अनः । उत्तरः प्ररोधनम् । उत्तर इत्युत् – तरः ।
 प्ररोधनम् पूर्वः । प्ररोधनमिति प्र – रोधनम् । पूर्व उदयनम् ।
 उदयनमुत्तरः । उदयनमित्युत् – अयनम् । उत्तरो ज्योतिष्ठोमः ।
 उत्तर इत्युत् – तरः । ज्योतिष्ठोमो वैश्वानरः । ज्योतिष्ठोम इति
 ज्योतिः – स्तोमः । वैश्वानरोऽतिरात्रः । अतिरात्रो भवति । अतिरात्र
 इत्यति – रात्रः । भवति ज्योतिः । ज्योतिरेव । एव पुरस्तात् ।
 पुरस्ताद् दधते । दधते सुवर्गस्य । सुवर्गस्य लोकस्य । सुवर्गस्येति
 सुवः – गस्य । लोकस्यानुख्यात्यै । अनुख्यात्यै चतुर्विंशः ।
 अनुख्यात्या इत्यनु – ख्यात्यै । चतुर्विंशः प्रायणीयः ।
 चतुर्विंश इति चतुः – विंशः । प्रायणीयो भवति । प्रायणीय इति
 प्र – अयनीयः । भवति चतुर्विंशतिः । चतुर्विंशतिरर्द्धमासाः ।
 चतुर्विंशतिरिति चतुः – विंशतिः । अर्द्धमासाः सम्बत्सरः ।
 अर्द्धमासा इत्यर्द्ध – मासाः । 3 (50/71)

TS 7.5.1.4 - Kramam

स॒म्व॑त्स॒रः प्र॒यन्तः॑ । स॒म्व॑त्स॒र इति॑ स॒म्व॑त्स॒रः । प्र॒यन्त॑
 ए॒व । प्र॒यन्त॑ इति॑ प्र – यन्तः॑ । ए॒व स॒म्व॑त्स॒रे । स॒म्व॑त्स॒रे प्र॒ति ।
 स॒म्व॑त्स॒र इति॑ स॒म्व॑त्स॒रे । प्र॒ति तिष्ठ॑न्ति । तिष्ठ॑न्ति तस्य॑ ।
 तस्य॑ त्रीणि॑ । त्रीणि॑ च । च॒ श॒तानि॑ । श॒तानि॑ ष॒ष्टिः । ष॒ष्टिश्च॑ ।
 च॒ स्तो॒त्रीयाः॑ । स्तो॒त्रीया॒स्ताव॑तीः । ताव॑तीः स॒म्व॑त्स॒रस्य॑ ।
 स॒म्व॑त्स॒रस्य॑ रात्र॑यः । स॒म्व॑त्स॒रस्येति॑ स॒म्व॑त्स॒रस्य॑ । रात्र॑य
 उ॒भे । उ॒भे ए॒व । उ॒भे इत्यु॑भे । ए॒व स॒म्व॑त्स॒रस्य॑ । स॒म्व॑त्स॒रस्य॑
 रू॒पे । स॒म्व॑त्स॒रस्येति॑ स॒म्व॑त्स॒रस्य॑ । रू॒पे आ॑प्नुवन्ति ।
 रू॒पे इति॑ रू॒पे । आ॑प्नुवन्ति ते । ते स॒म्व॑त्स॒रस्येति॑ स॒म्व॑त्स॒रस्य॑ ।
 अ॒रिष्ट्यै॑ । स॒म्व॑त्स॒रस्येति॑ स॒म्व॑त्स॒रस्य॑ । अ॒रिष्ट्यै॑ उत्त॑रैः ।
 उत्त॑रैरहो॑भिः । उत्त॑रैरित्यु॑त् – त॒रैः । अ॒होभि॑श्चरन्ति ।
 अ॒होभि॑रित्यहः॑ – भिः । च॒रन्ति॑ षड॑हाः । षड॑हा भव॑न्ति । षड॑हा
 इति॑ षट् – अ॒हाः । भव॑न्ति षट् । षड् वै । वा ऋ॒तवः॑ । ऋ॒तवः॑
 स॒म्व॑त्स॒रः । स॒म्व॑त्स॒र ऋ॒तुषु॑ । स॒म्व॑त्स॒र इति॑ स॒म्व॑त्स॒रः ।
 ऋ॒तुष्वे॒व । ए॒व स॒म्व॑त्स॒रे । स॒म्व॑त्स॒रे प्र॒ति ।

स॒म्॒व॒त्स॒र इति॑ स॒म् – व॒त्स॒रे । प्र॒ति ति॑ष्ठन्ति । ति॒ष्ठन्ति॑ गौः ।
 गौश्च॑ । चा॒युः । आ॒युश्च॑ । च॒ म॒द्ध्य॒तः । म॒द्ध्य॒तः स्तो॒मौ ।
 स्तो॒मौ भ॒वतः॑ । भ॒वतः॑ स॒म्॒व॒त्स॒रस्य॑ । स॒म्॒व॒त्स॒रस्यै॒व ।
 स॒म्॒व॒त्स॒रस्ये॑ति स॒म् – व॒त्स॒रस्य॑ । ए॒व तत् । तन् मि॒थु॒नम् ।
 मि॒थु॒नम् म॒द्ध्य॒तः । म॒द्ध्य॒तो द॑धति । 4 (50/64)

TS 7.5.1.5 - Kramam

द॑धति प्र॒ज॒न॒नाय॑ । प्र॒ज॒न॒नाय॑ ज्यो॒तिः । प्र॒ज॒न॒नाये॑ति प्र – ज॒न॒नाय॑ ।
 ज्यो॒ति॒र॒भि॒तः । अ॒भि॒तो भ॑वति । भ॒वति॑ वि॒मो॒च॒नम् । वि॒मो॒च॒नमे॒व ।
 वि॒मो॒च॒नमि॑ति वि – मो॒च॒नम् । ए॒व तत् । तच् छ॒न्दा॒सि॑ ।
 छ॒न्दा॒स्ये॒व । ए॒व तत् । तद् वि॒मो॒कम् । वि॒मो॒कम् य॑न्ति ।
 वि॒मो॒कमि॑ति वि – मो॒कम् । य॒न्त्य॒थो॑ । अ॒थो उ॒भ॒य॒तौ ज्यो॑तिषा ।
 अ॒थो इ॒त्य॒थो॑ । उ॒भ॒य॒तौ ज्यो॑तिषै॒व ।
 उ॒भ॒य॒तौ ज्यो॑तिषेत्यु॒भ॒य॒तः – ज्यो॑तिषा । ए॒व ष॒ड॒हे॒न । ष॒ड॒हे॒न
 सु॒व॒र्गम् । ष॒ड॒हे॒नेति॑ षट् – अ॒हे॒न । सु॒व॒र्गम् लो॒कम् । सु॒व॒र्गमि॑ति
 सु॒वः – ग॒म् । लो॒कम् य॑न्ति । य॒न्ति ब्र॒ह्म॒वा॒दि॒नः ।
 ब्र॒ह्म॒वा॒दि॒नो व॑दन्ति । ब्र॒ह्म॒वा॒दि॒न इति॑ ब्रह्म – वा॒दि॒नः । व॒द॒न्त्या॑सते ।

आस॑ते के॒न । के॒न य॑न्ति । य॒न्तीति॑ । इति॑ दे॒व॒या॒ने॒न । दे॒व॒या॒ने॒न
प॒था । दे॒व॒या॒ने॒नेति॑ दे॒व – या॒ने॒न । प॒थेति॑ । इति॑ ब्रू॒यात् । ब्रू॒याच्
छन्दा॑ꣳसि । छन्दा॑ꣳसि वै । वै दे॒व॒या॒नः । दे॒व॒या॒नः प॒न्थाः॑ । दे॒व॒या॒न
इति॑ दे॒व – या॒नः । प॒न्था गाय॑त्री । गाय॑त्री त्रि॒ष्टुप् । त्रि॒ष्टुब् जग॑ती ।
जग॑ती ज्योतिः॑ । ज्योति॑र्वै । वै गाय॑त्री । गाय॑त्री गौः । गौस्त्रि॒ष्टुक् ।
त्रि॒ष्टुगायुः॑ । आयु॑र् जग॑ती । जग॑ती यत् । यदे॒ते । ए॒ते स्तो॒माः॑ ।
स्तो॒मा भव॑न्ति । भव॑न्ति दे॒व॒या॒ने॒न । दे॒व॒या॒ने॒नैव । दे॒व॒या॒ने॒नेति॑
दे॒व – या॒ने॒न । ए॒व तत् । 5 (50/61)

TS 7.5.1.6 - Kramam

तत् प॒था । प॒था य॑न्ति । य॒न्ति स॒मा॒नम् । स॒मा॒नꣳ सा॒म ।
सा॒म भव॑ति । भव॑ति दे॒व॒लो॒कः । दे॒व॒लो॒को वै । दे॒व॒लो॒क इति॑
दे॒व – लो॒कः । वै सा॒म । सा॒म दे॒व॒लो॒कात् । दे॒व॒लो॒कादे॒व ।
दे॒व॒लो॒कादि॑ति दे॒व – लो॒कात् । ए॒व न । न य॑न्ति । य॒न्त्य॒न्याअ॑न्याः ।
अ॒न्याअ॑न्या ऋचः॑ । अ॒न्याअ॑न्या इत्य॒न्याः – अ॒न्याः ।
ऋचो॑ भव॑न्ति । भव॑न्ति म॒नु॒ष्य॒लो॒कः । म॒नु॒ष्य॒लो॒को वै ।

मनु॒ष्यलो॒क इति॑ मनु॒ष्य – लो॒कः । वा ऋ॒चः । ऋ॒चो मनु॒ष्यलो॒कात् ।
मनु॒ष्यलो॒कादे॒व । मनु॒ष्यलो॒कादि॑ति मनु॒ष्य – लो॒कात् ।
ए॒वान्य॑मन्यम् । अ॒न्यम॑न्यम् दे॒वलोक॑म् ।
अ॒न्यम॑न्यमि॒त्यन्य॑म् – अ॒न्यम् । दे॒वलोक॑म॒भ्यारो॑हन्तः ।
दे॒वलोक॑मि॒ति दे॒व – लो॒कम् । अ॒भ्यारो॑हन्तो यन्ति । अ॒भ्यारो॑हन्त
इ॒त्यभि॑ – आ॒रोह॑न्तः । य॒न्त्यभि॑वर्तः । अ॒भिव॑र्तो ब्र॒ह्मसा॑मम् ।
अ॒भिव॑र्त इ॒त्यभि॑ – वर्तः । ब्र॒ह्मसा॑मम् भवति । ब्र॒ह्मसा॑ममि॒ति
ब्र॒ह्म – सा॑मम् । भवति सु॒वर्ग॑स्य । सु॒वर्ग॑स्य लो॒कस्य॑ ।
सु॒वर्ग॑स्येति सु॒वः – ग॑स्य । लो॒कस्या॑भि॒वृत्यै॑ । अ॒भि॒वृ॒त्या अ॒भिजि॑त् ।
अ॒भि॒वृ॒त्या इ॒त्यभि॑ – वृ॒त्यै । अ॒भिजि॑द् भवति ।
अ॒भिजि॑दि॒त्यभि॑ – जि॒त् । भवति सु॒वर्ग॑स्य । सु॒वर्ग॑स्य लो॒कस्य॑ ।
सु॒वर्ग॑स्येति सु॒वः – ग॑स्य । लो॒कस्या॑भिजि॒त्यै । अ॒भिजि॑त्यै
वि॒श्वजि॑त् । अ॒भिजि॑त्या इ॒त्यभि॑ – जि॒त्यै । वि॒श्वजि॑द् भवति ।
वि॒श्वजि॑दि॒ति वि॒श्व – जि॒त् । भवति वि॒श्वस्य॑ । वि॒श्वस्य॑ जि॒त्यै ।
जि॒त्यै मा॒सिमा॑सि । मा॒सिमा॑सि पृ॒ष्ठानि॑ ।

मा॒सिमा॒सीति॑ मा॒सि – मा॒सि । पृ॒ष्ठान्युप॑ । उप॑ यन्ति । यन्ति॑
मा॒सिमा॒सि । मा॒सिमा॒स्यति॑ग्रा॒ह्याः ॥ मा॒सिमा॒सीति॑ मा॒सि – मा॒सि ।
अति॑ग्रा॒ह्या गृह्य॑न्ते । अति॑ग्रा॒ह्या इत्य॑ति – ग्रा॒ह्याः ॥
गृह्य॑न्ते मा॒सिमा॒सि । मा॒सिमा॒स्येव॑ । मा॒सिमा॒सीति॑ मा॒सि – मा॒सि ।
ए॒व वी॒र्यम्॑ () । वी॒र्यम्॑ दधति । दधति॑ मा॒साम् । मा॒साम् प्रति॑ष्ठित्यै ।
प्रति॑ष्ठित्या उप॑रिष्ठात् । प्रति॑ष्ठित्या इति॑ प्रति – स्थि॑त्यै । उप॑रिष्ठान्
मा॒साम् । मा॒साम् पृ॒ष्ठानि॑ । पृ॒ष्ठान्युप॑ । उप॑ यन्ति । यन्ति॑ तस्मा॑त् ।
तस्मा॑दुप॑रिष्ठात् । उप॑रिष्ठादोष॑धयः । ओष॑धयः फलम् ॥
फलम्॑ गृह्ण॑न्ति । गृह्ण॑न्तीति॑ गृह्ण॑न्ति ॥ 6 (63/84)

(गो॒स॒त्रम् वा – ए॒ति सँव॑त्स॒रौ ॥ ऽर्द्ध॑मा॒सा – मि॒थुन॑म् म॒ध्यतो॑ –
दे॒वया॑र्न॒नैव॑ – वी॒र्यम्॑ – त्रयो॑दश च) (A1)

TS 7.5.2.1 - Kramam

गा॒वो वै । वा ए॒तत् । ए॒तथ् स॒त्रम् । स॒त्रमा॑सत । आ॒स॒ताशृ॑ङ्गाः ।
अशृ॑ङ्गाः स॒तीः । स॒तीः शृ॑ङ्गाणि । शृ॑ङ्गाणि सि॒षास॑न्तीः ।
सि॒षास॑न्ती॒स्तासा॑म् । ता॒साम् द॑श । द॒श मा॑साः । मा॒सा नि॑षण्णाः ।
नि॑षण्णा आ॒सन् । नि॑षण्णा इति॑ नि – स॒न्नाः । आ॒स॒न्नथ॑ ।

अथ॑ शृङ्गा॑णि । शृङ्गा॑ण्यजा॒यन्त । अजा॑यन्त॒ ताः । ता॑ अब्रुवन् ।
 अब्रु॑वन्नरा॒थस्म । अरा॑थस्मोत् । उत् ति॑ष्ठाम । ति॒ष्ठामा॑व । अव॑ तम् ।
 तम् काम॑म् । काम॑मरुथ्स्महि । अरु॑थ्स्महि येन॑ । येन॑ कामेन॑ ।
 कामेन॑ न्यष॑दाम । न्यष॑दामेति॑ । न्यष॑दामेति॑ नि – अस॑दाम ।
 इति॑ तासा॑म् । तासा॑मु । उ॒ तु । त्वै । वा॑ अब्रुवन् । अब्रु॑वन्नर्द्धाः ।
 अर्द्धा॑ वा । वा॒ याव॑तीः । याव॑तीर् वा । वाऽऽसा॑महै । आसा॑महा ए॒व ।
 ए॒वेमौ । इ॒मौ द्वा॑दशौ । द्वा॒दशौ मा॑सौ । मा॒सौ स॑म्व॒थ्सर॑म् ।
 स॑म्व॒थ्सर॑म् स॒म्पाद्य॑ । स॑म्व॒थ्सर॑मिति॑ स॒म् – व॒थ्सर॑म् ।
 स॒म्पाद्यो॑त् । स॒म्पाद्ये॑ति॑ स॒म् – पा॒द्य । उत् ति॑ष्ठाम । ति॒ष्ठामे॑ति॑ ।
 इति॑ तासा॑म् । तासा॑म् द्वा॒दशे॑ । 7 (50/54)

TS 7.5.2.2 - Kramam

द्वा॒दशे॑ मा॒सि । मा॒सि शृङ्गा॑णि । शृङ्गा॑णि प्र । प्रा॒वर्त॑न्त ।
 अव॑र्तन्त॒ श्रद्ध॑या । श्रद्ध॑या वा । श्रद्ध॑येति॑ श्रत् – ध॒या । वाऽश्रद्ध॑या ।
 अश्रद्ध॑या वा । अश्रद्ध॑येत्यश्रत् – ध॒या । वा॒ ताः । ता॑ इ॒माः ।
 इ॒मा याः । यास्तू॑पराः । तू॒परा॑ उ॒भय्यः॑ । उ॒भय्यो॑ वाव । वाव॑ ताः ।
 ता॑ आ॒र्द्धव॑न् । आ॒र्द्धव॑न् याः । याश्च॑ ।

च॒ शृङ्गा॑णि । शृङ्गा॑ण्यसन्वन् । असन्वन्॒ याः । याश्च॑ । चोर्ज॑म् ।
 ऊर्ज॑म॒वारु॑न्धत । अ॒वारु॑न्धतर्द॒ध्नोति॑ । अ॒वारु॑न्धतेत्य॒व – अ॒रुन्ध॑त ।
 ऋ॒द्ध्नोति॑ द॒शसु॑ । द॒शसु॑ मा॒सु । द॒शस्वि॑ति द॒श – सु॑ ।
 मा॒सू॒त्ति॒ष्ठन् । उ॒त्ति॒ष्ठन् नृ॒द्ध्नोति॑ । उ॒त्ति॒ष्ठन् नित्यु॑त् – ति॒ष्ठन् । ऋ॒द्ध्नोति॑
 द्वा॒दश॑सु । द्वा॒दश॑सु यः । द्वा॒दश॑स्वि॒ति द्वा॒दश – सु॑ । य ए॒वम् ।
 ए॒वम् वै॑द । वे॒द प॒देन॑ । प॒देन॑ खलु॑ । खलु॑ वै । वा ए॒ते ।
 ए॒ते य॑न्ति । य॒न्ति वि॒न्दति॑ । वि॒न्दति॑ खलु॑ । खलु॑ वै । वै प॒देन॑ ।
 प॒देन॑ यन् । यन् तत् । तद् वै । वा ए॒तत् । ए॒तद्दृ॒द्धम् । ऋ॒द्धम॑यनम् ।
 अ॒यन॑म् तस्मा॑त् () । तस्मा॑दे॒तत् । ए॒तद् गो॑स॒नि ।

गो॒स॒नीति॑ गो – स॒नि ॥ 8 (52/58)

(ति॒ष्ठामे॑ति ता॒साम् – तस्मा॑द् – द्वे च॑) (A2)

TS 7.5.3.1 - Kramam

प्र॒थमे॑ मा॒सि । मा॒सि पृ॒ष्ठानि॑ । पृ॒ष्ठान्यु॑प । उप॑ य॒न्ति ।
 य॒न्ति म॑द्ध्य॒मे । म॑द्ध्य॒म उप॑ । उप॑ य॒न्ति । य॒न्त्यु॒त्तमे॑ । उ॒त्तम॑ उप॑ ।
 उ॒त्तम॑ इत्यु॑त् – त॒मे । उप॑ य॒न्ति । य॒न्ति तत् । तदा॑हुः ।
 आ॒हुर् याम् । याम् वै । वै त्रिः । त्रि॒रेक॑स्य । ए॒कस्या॑हः ।

अ॒ह॒ उप॒सी॒दन्ति॑ । उप॒सी॒दन्ति॑ द॒ह॒म् । उप॒सी॒दन्ती॒त्युप॑ – सी॒दन्ति॑ ।
द॒ह॒म् वै । वै सा । साऽप॒रा॒भ्याम् । अप॒रा॒भ्याम् दो॒हा॒भ्याम् ।
दो॒हा॒भ्याम् दु॒हे । दु॒हेऽथ॑ । अथ॑ कु॒तः । कु॒तः सा । सा धो॑क्ष्यते ।
धो॑क्ष्यते॒ याम् । याम् द्वा॒दश॑ । द्वा॒दश॑ कृ॒त्वः । कृ॒त्व उप॒सी॒दन्ति॑ ।
उप॒सी॒दन्तीति॑ । उप॒सी॒दन्ती॒त्युप॑ – सी॒दन्ति॑ । इति॑ स॒म्व॑त्स॒रम् ।
स॒म्व॑त्स॒रम् स॒म्पाद्य॑ । स॒म्व॑त्स॒रमि॒ति स॒म् – व॒त्स॒रम् ।
स॒म्पाद्यो॑त्त॒मे । स॒म्पाद्ये॒ति स॒म् – पा॒द्य । उ॒त्त॒मे मा॒सि । उ॒त्त॒म
इ॒त्युत् – त॒मे । मा॒सि स॒कृत् । स॒कृत् पृ॒ष्ठानि॑ । पृ॒ष्ठान्युप॑ । उपे॒युः ।
इ॒युस्त॑त् । तद् यज॑मानाः । यज॑माना य॒ज्ञम् । य॒ज्ञम् प॒शून् ।
प॒शून्व । अव॑ रु॒न्धते॑ । रु॒न्धते॑ स॒मु॒द्रम् । स॒मु॒द्रम् वै () ।

वा ए॒ते । 9 (50/56)

TS 7.5.3.2 - Kramam

ए॒तेऽन॒वारम् । अ॒न॒वार॒मपा॒रम् । अ॒पा॒रम् प्र॑ । प्र॑ प्ल॒वन्ते॑ । प्ल॒वन्ते॑
ये । ये स॒म्व॑त्स॒रम् । स॒म्व॑त्स॒रमु॒पय॑न्ति । स॒म्व॑त्स॒रमि॒ति
स॒म् – व॒त्स॒रम् । उ॒पय॑न्ति॒ यत् । उ॒पय॑न्ती॒त्युप॑ – य॒न्ति ।
यद् बृ॒ह॒द् र॒थन्त॑रे । बृ॒ह॒द् र॒थन्त॑रे अ॒न्व॒र्जे॒युः ।

बृ॒ह॒द्र॒थ॒न्त॒रे इति॑ बृ॒ह॒त् - र॒थ॒न्त॒रे । अ॒न्व॒र्जे॒युर् यथा॑ ॥
 अ॒न्व॒र्जे॒यु॒रि॒त्य॒नु - अ॒र्जे॒युः । यथा॑ म॒द्ध्ये॑ ॥ म॒द्ध्ये॑ स॒मु॒द्र॒स्य॑ ।
 स॒मु॒द्र॒स्य॑ प्ल॒व॒म् । प्ल॒व॒म॒न्व॒र्जे॒युः । अ॒न्व॒र्जे॒यु॒स्ता॒दृक् ।
 अ॒न्व॒र्जे॒यु॒रि॒त्य॒नु - अ॒र्जे॒युः । ता॒दृक् तत् । तद॑नु॒त्स॒र्ग॒म् । अ॒नु॒त्स॒र्ग॒म्
 बृ॒ह॒द्र॒थ॒न्त॒रा॒भ्याम् ॥ अ॒नु॒त्स॒र्ग॒मि॒त्य॒नु - स॒र्ग॒म् ।
 बृ॒ह॒द्र॒थ॒न्त॒रा॒भ्या॒मि॒त्वा । बृ॒ह॒द्र॒थ॒न्त॒रा॒भ्या॒मि॒ति बृ॒ह॒त्-र॒थ॒न्त॒रा॒भ्याम् ॥
 इ॒त्वा प्र॒ति॒ष्ठा॒म् । प्र॒ति॒ष्ठा॒म् ग॒च्छ॒न्ति । प्र॒ति॒ष्ठा॒मि॒ति प्र॒ति - स्था॒म् ।
 ग॒च्छ॒न्ति स॒र्वे॒भ्यः ॥ स॒र्वे॒भ्यो॑ वै । वै का॒मे॒भ्यः । का॒मे॒भ्यः स॒न्धिः ।
 स॒न्धिर् दु॒हे । स॒न्धि॒रि॒ति स॒म् - धिः । दु॒हे तत् । तद् यज॑मा॒नाः ।
 यज॑मा॒नाः स॒र्वान् । स॒र्वान् का॒मान् । का॒मान॑व । अ॒व रु॒न्ध॒ते ।
 रु॒न्ध॒त इति॑ रु॒न्ध॒ते ॥ 10 (34/43)

(स॒मु॒द्र॒म् वै - च॒तु॒स्त्रिं॒श॒च्च) (A3)

TS 7.5.4.1 - Kramam

स॒मा॒न्य॑ ऋ॒चः । ऋ॒चो भ॑वन्ति । भ॒वन्ति॑ म॒नु॒ष्य॒लो॒कः ।
 म॒नु॒ष्य॒लो॒को वै । म॒नु॒ष्य॒लो॒क इति॑ म॒नु॒ष्य - लो॒कः ।
 वा ऋ॒चः । ऋ॒चो म॒नु॒ष्य॒लो॒का॒त् । म॒नु॒ष्य॒लो॒का॒दे॒व ।

मनुष्यलो॒कादि॑ति॒ मनु॑ष्य – लो॒कात् । ए॒व न । न य॑न्ति ।
य॒न्त्यन्य॑दन्यत् । अ॒न्यद॒न्यथ्॑ साम । अ॒न्यद॒न्यदि॒त्यन्य॑त् – अ॒न्यत् ।
साम॑ भवति । भ॒वति॑ दे॒वलोकः॑ । दे॒वलोको॑ वै । दे॒वलोक॑ इति॒
दे॒व – लोकः॑ । वै साम । साम॑ दे॒वलोक॑ात् । दे॒वलोक॑ादे॒व ।
दे॒वलोक॑ादि॒ति दे॒व – लोक॑ात् । ए॒वान्य॑म॒न्यम् । अ॒न्यम॒न्यम्
मनु॑ष्यलो॒कम् । अ॒न्यम॒न्यमि॒त्यन्य॑म् – अ॒न्यम् । मनु॑ष्यलो॒कम्
प्र॒त्यव॑रोह॒न्तः । मनु॑ष्यलो॒कमि॒ति मनु॑ष्य – लोक॑म् । प्र॒त्यव॑रोह॒न्तो
य॑न्ति । प्र॒त्यव॑रोह॒न्त इति॑ प्र॒ति – अ॒वरोह॑न्तः । य॑न्ति जग॒तीम् ।
जग॑ती॒मग्रे॑ । अ॒ग्र उप॑ । उप॑ य॑न्ति । य॑न्ति जग॒तीम् । जग॑ती॒म् वै ।
वै छ॒न्दा॑ꣳसि । छ॒न्दा॑ꣳसि प्र॒त्यव॑रोह॒न्ति । प्र॒त्यव॑रोह॒न्त्याग्र॑यणम् ।
प्र॒त्यव॑रोह॒न्तीति॑ प्र॒ति-अ॒वरोह॑न्ति । आ॒ग्रय॑णम् ग्र॒हाः । ग्र॒हा बृ॑हत् ।
बृ॒हत् पृ॑ष्ठानि । पृ॒ष्ठानि॑ त्रय॒स्त्रि॒ꣳशम् । त्रय॒स्त्रि॒ꣳशꣳ स्तोमाः॑ ।
त्रय॒स्त्रि॒ꣳशमि॑ति॒ त्रयः॑ – त्रि॒ꣳशम् । स्तोमा॑स्तस्मात् । तस्मा॑ज्
ज्याया॑ꣳसम् । ज्याया॑ꣳसम् कनी॒यान् । कनी॒यान् प्र॒त्यव॑रोह॒ति ।
प्र॒त्यव॑रोह॒ति वैश्व॑कर्म॒णः । प्र॒त्यव॑रोह॒तीति॑ प्र॒ति – अ॒वरोह॑ति ।

वै॒श्व॒क॒र्म॒णो॑ गृ॒ह्य॒ते । वै॒श्व॒क॒र्म॒ण॑ इति॒ वै॒श्व॒ – क॒र्म॒णः॑ ।

गृ॒ह्य॒ते वि॒श्वा॒नि । वि॒श्वा॒न्ये॒व । ए॒व ते॒न । ते॒न क॒र्मा॒णि ।

क॒र्मा॒णि य॒ज॒मा॒नाः । य॒ज॒मा॒ना अ॒व । अ॒व रु॒न्ध॒ते ।

रु॒न्ध॒त आ॒दि॒त्यः । आ॒दि॒त्यो गृ॒ह्य॒ते । 11 (50/62)

TS 7.5.4.2 - Kramam

गृ॒ह्य॒त इ॒यम् । इ॒यम् वै॑ । वा अ॒दि॒तिः । अ॒दि॒तिर॒स्याम् । अ॒स्यामे॒व ।

ए॒व प्र॒ति । प्र॒ति ति॒ष्ठ॒न्ति । ति॒ष्ठ॒न्त्य॒न्यो॒न्यः । अ॒न्यो॒न्यो गृ॒ह्य॒ते ।

अ॒न्यो॒न्य इ॒त्य॒न्यः – अ॒न्यः । गृ॒ह्य॒ते मि॒थु॒न॒त्वाय॑ । गृ॒ह्य॒ते इति॑ गृ॒ह्य॒ते ।

मि॒थु॒न॒त्वाय॑ प्र॒जा॒त्यै । मि॒थु॒न॒त्वाये॒ति मि॒थु॒न – त्वाय॑ ।

प्र॒जा॒त्या अ॒वा॒न्त॒रम् । प्र॒जा॒त्या इति॑ प्र – जा॒त्यै । अ॒वा॒न्त॒रम् वै॑ ।

अ॒वा॒न्त॒र॒मि॒त्य॒व – अ॒न्त॒रम् । वै द॒श॒रा॒त्रेण॑ । द॒श॒रा॒त्रेण॑ प्र॒जा॒प॒तिः ।

द॒श॒रा॒त्रेणे॒ति द॒श – रा॒त्रेण॑ । प्र॒जा॒प॒तिः प्र॒जाः । प्र॒जा॒प॒तिरि॒ति

प्र॒जा – प॒तिः । प्र॒जा अ॒सृ॒ज॒त । प्र॒जा इति॑ प्र – जाः । अ॒सृ॒ज॒त

यत् । यद् द॒श॒रा॒त्रः । द॒श॒रा॒त्रो भ॒व॒ति । द॒श॒रा॒त्र इति॑ द॒श – रा॒त्रः ।

भ॒व॒ति प्र॒जाः । प्र॒जा ए॒व । प्र॒जा इति॑ प्र – जाः । ए॒व तत् ।

तद् यज॑मानाः । यज॑मानाः सृज॑न्ते । सृज॑न्त ए॒ताम् । ए॒तां ह॑ ।
ह॒ वै । वा उ॒दङ्कः॑ । उ॒दङ्कः॑ शौ॒ल्बाय॑नः । शौ॒ल्बाय॑नः स॒त्रस्य॑ ।
स॒त्रस्य॑र्द्धिम् । ऋ॒द्धिमु॑वाच । उ॒वाच॑ यत् । यद् द॒शरा॑त्रः । द॒शरा॑त्रो
यत् । द॒शरा॑त्र इति दश – रा॒त्रः । यद् द॒शरा॑त्रः । द॒शरा॑त्रो भवति ।
द॒शरा॑त्र इति दश – रा॒त्रः । भवति॑ स॒त्रस्य॑ । स॒त्रस्य॑र्द्ध्यै ।
ऋ॒द्ध्यै अथो॑ । अथो॑ यत् । अथो॑ इत्यथो॑ । यदे॒व । ए॒व पूर्वे॑षु ।
पूर्वे॑ष्वहस्सु । अहस्सु॑ विलो॒म । अह॑स्स्वित्यहः – सु । विलो॒म
क्रिय॑ते । विलो॒मेति॑ वि – लो॒म । क्रिय॑ते तस्य॑ । तस्यै॒व () ।
ए॒वैषा॑ । ए॒षा शान्तिः॑ । शान्ति॑रिति शान्तिः ॥ 12 (52/67)

(आ॒दित्य॑ – स्तस्यै॒व – द्वे च॑) (A4)

TS 7.5.5.1 - Kramam

यदि॑ सोमौ । सोमौ॑ स॒सुतौ॑ । स॒सुतौ॑ स्याता॒म् । स॒सुता॑विति॒
सम्-सुतौ॑ । स्याता॒म् म॒हति॑ । म॒हति॑ रात्रियै॑ । रात्रियै॑ प्रा॒तरनु॑वाकम् ।
प्रा॒तरनु॑वाकमु॒पाकुर्यात् । प्रा॒तरनु॑वाकमिति॑ प्रा॒तः – अनु॑वाकम् ।
उ॒पाकुर्यात्॑ पूर्॒वः । उ॒पाकुर्या॑दित्युप – आ॒कुर्यात् । पूर्॒वो वाच॑म् ।
वाच॑म् पूर्॒वः । पूर्॒वो दे॒वताः॑ । दे॒वताः॑ पूर्॒वः । पूर्॒वश्छन्दा॑सि ।

छन्दा॑सि वृ॒ङ्क्ते । वृ॒ङ्क्ते वृष॑ण्वतीम् । वृष॑ण्वतीम् प्रति॒पदम् ॥
 वृष॑ण्वतीमि॒ति वृष॑ण्ण् - वती॒म् । प्रति॒पदम् कुर्या॑त् । प्रति॒पदमि॒ति
 प्रति - पदम् ॥ कुर्या॑त् प्रा॒तस्स॒वनात् । प्रा॒तस्स॒वनादे॒व ।
 प्रा॒तस्स॒वनादि॒ति प्रा॒तः - स॒वनात् । ए॒वैषाम् ॥ ए॒षामिन्द्र॑म् ।
 इन्द्र॑म् वृ॒ङ्क्ते । वृ॒ङ्क्तेऽथो॑ । अथो॑ खलु॑ । अथो॑ इत्यथो॑ ।
 खल्वा॑हुः । आ॒हुः स॒वनमु॒खेस॒वनमु॒खे । स॒वनमु॒खेस॒वनमु॒खे
 कार्या॑ । स॒वनमु॒खेस॒वनमु॒ख इति॑ स॒वनमु॒खे-स॒वनमु॒खे । कार्ये॑ति ।
 इति॑ स॒वनमु॒खाथ्स॒वनमु॒खात् । स॒वनमु॒खाथ्स॒वनमु॒खादे॒व ।
 स॒वनमु॒खाथ्स॒वनमु॒खादि॒ति स॒वनमु॒खात् - स॒वनमु॒खात् ॥ ए॒वैषाम् ॥
 ए॒षामिन्द्र॑म् । इन्द्र॑म् वृ॒ङ्क्ते । वृ॒ङ्क्ते स॒म्वे॑शाय ।
 स॒म्वे॑शायोप॒वेशाय॑ । स॒म्वे॑शायेति॑ स॒म्वे॑शाय । उप॒वेशाय॑
 गाय॑त्रियाः । उप॒वेशायेत्यु॒प - वे॒शाय॑ । गाय॑त्रियास्त्रि॒ष्टुभः ।
 त्रि॒ष्टुभो जग॑त्याः । जग॑त्या अनु॒ष्टुभः । अनु॒ष्टुभः प॒ङ्क्त्याः ।
 अनु॒ष्टुभ इत्यनु॑ - स्तु॒भः । प॒ङ्क्त्या अ॒भिभू॑त्यै । अ॒भिभू॑त्यै स्वाहा॑ ॥
 अ॒भिभू॑त्या इत्य॒भि - भू॒त्यै । स्वाहा॑ छन्दा॑सि । छन्दा॑सि वै ।

वै सम्॑वे॒शः । सम्॑वे॒श उप॑वे॒शः । सम्॑वे॒श इति॑ सम् – वे॒शः ।
 उप॑वे॒शश्छन्द्भिः॑ । उप॑वे॒श इत्यु॑प – वे॒शः । छन्द्भि॑रेव ।
 छन्द्भि॑रिति॒ छन्दः॑ – भिः॒ । ए॒वैषाम्॑ ।

ए॒षाम् छन्दा॑सि । 13 (50/66)

TS 7.5.5.2 - Kramam

छन्दा॑सि वृ॒ङ्क्ते॑ । वृ॒ङ्क्ते॑ स॒जनी॑यम् । स॒जनी॑य॒ञ् शस्य॑म् ।
 स॒जनी॑यमि॒ति स-ज॑नीयम् । शस्य॑म् वि॒हव्य॑म् । वि॒हव्य॑ञ् शस्य॑म् ।
 वि॒हव्य॑मि॒ति वि – ह॒व्यम् । शस्य॑मगस्त्यस्य । अ॒गस्त्य॑स्य
 क॒याशु॑भीयम् । क॒याशु॑भीय॒ञ् शस्य॑म् । क॒याशु॑भीयमि॒ति
 क॒या – शु॑भीयम् । शस्य॑मे॒तावत् । ए॒तावद् वै । वा अ॑स्ति । अ॒स्ति
 या॒वत् । या॒वदे॒तत् । ए॒तद् या॒वत् । या॒वदे॒व । ए॒वास्ति॑ । अ॒स्ति तत् ।
 तदे॑षाम् । ए॒षाम् वृ॒ङ्क्ते॑ । वृ॒ङ्क्ते॑ यदि॑ । यदि॑ प्रा॒तस्स॒वने॑ ।
 प्रा॒तस्स॒वने॑ क॒लशः॑ । प्रा॒तस्स॒वने॑ इति॑ प्रा॒तः – स॒वने॑ ।
 क॒लशो॑ दी॒र्ये॑त । दी॒र्ये॑त वैष्ण॒वीषु॑ । वैष्ण॒वीषु॑ शि॒पिवि॒ष्टव॑तीषु ।
 शि॒पिवि॒ष्टव॑तीषु स्तु॒वीरन् । शि॒पिवि॒ष्टव॑तीष्वि॒ति शि॒पिवि॒ष्ट – व॑तीषु ।
 स्तु॒वीरन्॒ यत् । यद् वै । वै य॒ज्ञस्य॑ । य॒ज्ञस्या॑ति॒रिच्य॑ते ।

अ॒ति॒रि॒च्य॒ते॒ वि॒ष्णु॒म् । अ॒ति॒रि॒च्य॒त॒ इ॒त्य॒ति॒ – रि॒च्य॒ते॒ । वि॒ष्णु॒म् तत् ।
 तच्छि॒पि॒वि॒ष्टम् । शि॒पि॒वि॒ष्ट॒म॒भि॒ । शि॒पि॒वि॒ष्ट॒मि॒ति॒ शि॒पि॒ – वि॒ष्टम् ।
 अ॒भ्य॒ति॒ । अ॒ति॒ रि॒च्य॒ते॒ । रि॒च्य॒ते॒ तत् । तद् वि॒ष्णुः॑ । वि॒ष्णुः॑
 शि॒पि॒वि॒ष्टः॑ । शि॒पि॒वि॒ष्टो॑ऽति॒रि॒क्ते॑ । शि॒पि॒वि॒ष्ट॒ इ॒ति॒ शि॒पि॒ – वि॒ष्टः॑ ।
 अ॒ति॒रि॒क्त॒ ए॒व । अ॒ति॒रि॒क्त॒ इ॒त्य॒ति॒ – रि॒क्ते॑ । ए॒वा॒ति॒रि॒क्तम् । अ॒ति॒रि॒क्तम्
 द॒धा॒ति॒ । अ॒ति॒रि॒क्त॒मि॒त्य॒ति॒ – रि॒क्तम् । द॒धा॒त्य॒थो॑ । अ॒थो अ॒ति॒रि॒क्ते॒न॑ ।
 अ॒थो इ॒त्य॒थो॑ । अ॒ति॒रि॒क्ते॒नै॒व । अ॒ति॒रि॒क्ते॒ने॒त्य॒ति॒ – रि॒क्ते॒न॑ ।
 ए॒वा॒ति॒रि॒क्तम् । अ॒ति॒रि॒क्त॒मा॒प्त्वा॑ । अ॒ति॒रि॒क्त॒मि॒त्य॒ति॒ – रि॒क्तम् ।
 आ॒प्त्वा॒ऽव॒ () । अ॒व रु॒न्ध॒ते॒ । रु॒न्ध॒ते॒ य॒दि॒ । य॒दि म॒द्ध्य॒न्दि॒ने॑ ।
 म॒द्ध्य॒न्दि॒ने॑ दी॒र्य॑त । दी॒र्य॑त व॒षट्का॒रनि॒धन॑म् । व॒षट्का॒रनि॒धन॑ꣳ
 साम॑ । व॒षट्का॒रनि॒धन॑मि॒ति॒ व॒षट्का॒र – नि॒धन॑म् । साम॑ कुर्युः॑ ।
 कुर्यु॑र् व॒षट्का॒रः॑ । व॒षट्का॒रो वै॑ । व॒षट्का॒र इ॒ति॒ व॒षट् – का॒रः॑ ।
 वै य॒ज्ञस्य॑ । य॒ज्ञस्य॑ प्र॒ति॒ष्ठा॑ । प्र॒ति॒ष्ठा॑ प्र॒ति॒ष्ठाम् । प्र॒ति॒ष्ठेति॑
 प्र॒ति – स्था॑ । प्र॒ति॒ष्ठामे॒व । प्र॒ति॒ष्ठामि॒ति॒ प्र॒ति – स्था॑म् । ए॒वैन॑त् ।
 ए॒नद् ग॒मय॑न्ति । ग॒मय॑न्ति॒ यदि॑ । यदि॑ तृतीयसवने ।

तृ॒ती॒य॒स॒व॒न ए॒तत् । तृ॒ती॒य॒स॒व॒न इति॑ तृ॒ती॒य – स॒व॒ने । ए॒तदे॒व ।

ए॒वेत्ये॒व ॥ 14 (69/87)

(छ॒न्दो॑भि॒रेवै॒षा – म॒वै – का॒न्नवि॑ञ्छतिश्च) (A5)

TS 7.5.6.1 - Kramam

ष॒ड॒हैर् मा॒सान् । ष॒ड॒हैरि॑ति षट् – अ॒हैः । मा॒सान्थ् स॒म्पाद्य॑ ।
स॒म्पाद्या॑हः । स॒म्पाद्ये॑ति सम् – पाद्य॑ । अ॒हरु॑त् । उ॒थ् सृ॑जन्ति ।
सृ॑जन्ति ष॒ड॒हैः । ष॒ड॒हैर् हि । ष॒ड॒हैरि॑ति षट् – अ॒हैः ।
हि मा॒सान् । मा॒सान्थ् स॒म्पश्य॑न्ति । स॒म्पश्य॑न्त्यर्द्ध॒मासैः॑ ।
स॒म्पश्य॑न्तीति सम् – पश्य॑न्ति । अ॒र्द्ध॒मासै॑र् मा॒सान् ।
अ॒र्द्ध॒मासै॑रित्यर्द्ध – मा॒सैः । मा॒सान्थ् स॒म्पाद्य॑ । स॒म्पाद्या॑हः ।
स॒म्पाद्ये॑ति सम्-पाद्य॑ । अ॒हरु॑त् । उ॒थ् सृ॑जन्ति । सृ॑जन्त्यर्द्ध॒मासैः॑ ।
अ॒र्द्ध॒मासै॑र् हि । अ॒र्द्ध॒मासै॑रित्यर्द्ध – मा॒सैः । हि मा॒सान् ।
मा॒सान्थ् स॒म्पश्य॑न्ति । स॒म्पश्य॑न्त्यमा॒वा॒स्यया॑ ।
स॒म्पश्य॑न्तीति सम् – पश्य॑न्ति । अ॒मा॒वा॒स्यया॑ मा॒सान् ।
अ॒मा॒वा॒स्यये॑त्यमा – वा॒स्यया॑ । मा॒सान्थ् स॒म्पाद्य॑ । स॒म्पाद्या॑हः ।
स॒म्पाद्ये॑ति सम् – पाद्य॑ । अ॒हरु॑त् । उ॒थ् सृ॑जन्ति ।

सृ॒जन्त्य॑मा॒वा॒स्य॑या । अ॒मा॒वा॒स्य॑या हि ।

अ॒मा॒वा॒स्य॑येत्य॒मा - वा॒स्य॑या । हि मा॒सान् । मा॒सान्थ् सम्प॑श्यन्ति ।

सम्प॑श्यन्ति पौ॒र्ण॒मा॒स्या । सम्प॑श्यन्तीति॒ सम् - प॑श्यन्ति ।

पौ॒र्ण॒मा॒स्या मा॒सान् । पौ॒र्ण॒मा॒स्येति॑ पौ॒र्ण - मा॒स्या । मा॒सान्थ्

सम्पा॑द्य । सम्पा॑द्याहः । सम्पा॑द्येति॒ सम् - पा॑द्य । अ॒हरुत् ।

उ॒थ् सृ॒जन्ति॑ । सृ॒जन्ति॑ पौ॒र्ण॒मा॒स्या । पौ॒र्ण॒मा॒स्या हि ।

पौ॒र्ण॒मा॒स्येति॑ पौ॒र्ण - मा॒स्या । हि मा॒सान् । मा॒सान्थ् सम्प॑श्यन्ति ।

सम्प॑श्यन्ति यः । सम्प॑श्यन्तीति॒ सम् - प॑श्यन्ति । यो वै । वै पू॒र्णे ।

पू॒र्ण आ॑सिञ्चति । आ॑सिञ्चति॒ परा॑ । आ॑सिञ्चतीत्या॑-सिञ्चति ।

परा॑ सः । स सिञ्चति । सिञ्चति॒ यः । यः पू॒र्णात् । पू॒र्णादु॑दचति ।

उ॒दच॑ति प्रा॒णम् । उ॒दच॑तीत्युत् - अ॒चति॑ । 15 (50/68)

TS 7.5.6.2 - Kramam

प्रा॒णम॑स्मिन् । प्रा॒णमि॑ति प्र - अ॒नम् । अ॒स्मिन्थ् सः । स द॑धाति ।

द॑धाति यत् । यत् पौ॒र्ण॒मा॒स्या । पौ॒र्ण॒मा॒स्या मा॒सान् । पौ॒र्ण॒मा॒स्येति॑

पौ॒र्ण - मा॒स्या । मा॒सान्थ् सम्पा॑द्य । सम्पा॑द्याहः । सम्पा॑द्येति॒

सम् - पा॑द्य । अ॒हरु॑त्सृ॒जन्ति॑ । उ॒थ्सृ॒जन्ति॑ सम्॑व॒त्स॒राय॑ ।

उ॒थ्सृ॒जन्ती॑त्युत् – सृ॒जन्ति॑ । स॒म्॒व॒थ्स॒रायै॑व । स॒म्॒व॒थ्स॒राये॑ति
 स॒म् – व॒थ्स॒राय॑ । ए॒व तत् । तत् प्रा॒णम् । प्रा॒णम् द॑धति । प्रा॒णमि॑ति
 प्र – अ॒नम् । द॒धति॑ तत् । तद॑नु । अ॒नु स॒न्नि॒णः । स॒न्नि॒णः प्र ।
 प्रा॒णन्ति॑ । अ॒नन्ति॑ यत् । यद॑हः । अ॒हर् न । नो॒थ्सृ॒जेयुः॑ । उ॒थ्सृ॒जेयु॑र्
 यथा॑ । उ॒थ्सृ॒जेयु॑रित्युत् – सृ॒जेयुः॑ । यथा॑ दृ॒तिः । दृ॒तिरु॑प॒नद्धः॑ ।
 उ॒प॒नद्धो॑ वि॒पत॑ति । उ॒प॒नद्ध॑ इत्यु॒प – न॒द्धः । वि॒पत॑त्ये॒वम् ।
 वि॒पत॑तीति वि – प॒तति॑ । ए॒व॒ स॒म्॒व॒थ्स॒रः । स॒म्॒व॒थ्स॒रो वि॑ ।
 स॒म्॒व॒थ्स॒र इति॑ स॒म् – व॒थ्स॒रः । वि प॑तेत् । प॒तेदा॑र्ति॒म् । आ॑र्ति॒मा ।
 आ॑र्छे॒युः । ऋ॒च्छे॒युर् यत् । यत् पौ॑र्ण॒मास्या॑ । पौ॑र्ण॒मास्या॑ मा॒सान् ।
 पौ॑र्ण॒मास्ये॑ति पौ॑र्ण – मा॒स्या । मा॒सान्थ् स॒म्पाद्य॑ । स॒म्पाद्या॑हः ।
 स॒म्पाद्ये॑ति स॒म्-पा॑द्य । अ॒ह॒रुथ्सृ॒जन्ति॑ । उ॒थ्सृ॒जन्ति॑ स॒म्॒व॒थ्स॒राय॑ ।
 उ॒थ्सृ॒जन्ती॑त्युत् – सृ॒जन्ति॑ । स॒म्॒व॒थ्स॒रायै॑व । स॒म्॒व॒थ्स॒राये॑ति
 स॒म् – व॒थ्स॒राय॑ । ए॒व तत् । तदु॑दा॒नम् । उ॒दा॒नम् द॑धति ।
 उ॒दा॒नमि॑त्युत् – अ॒नम् । द॒धति॑ तत् । तद॑नु । अ॒नु स॒न्नि॒णः ।
 स॒न्नि॒ण उ॑त् । उ॒द॒नन्ति॑ । 16 (50/65)

TS 7.5.6.3 - Kramam

अ॒न॒न्ति॑ न । ना॒र्ति॑म् । आ॒र्ति॑मा । आ॒च्छ॑न्ति । ऋ॒च्छ॑न्ति पू॒र्ण॑मा॒से ।
 पू॒र्ण॑मा॒से वै । पू॒र्ण॑मा॒स इति॑ पू॒र्ण – मा॒से । वै दे॒वाना॑म् । दे॒वाना॑ꣳ
 सु॒तः । सु॒तो यत् । यत् पौ॒र्ण॑मा॒स्या । पौ॒र्ण॑मा॒स्या मा॒सान् ।
 पौ॒र्ण॑मा॒स्येति॑ पौ॒र्ण – मा॒स्या । मा॒सान्त् स॒म्पाद्य॑ । स॒म्पाद्या॑हः ।
 स॒म्पाद्ये॑ति स॒म् – पाद्य॑ । अ॒ह॒रु॒थ्सृ॑जन्ति । उ॒थ्सृ॑जन्ति दे॒वाना॑म् ।
 उ॒थ्सृ॑जन्तीत्युत् – सृ॒जन्ति॑ । दे॒वाना॑मे॒व । ए॒व तत् । तद् य॒ज्ञेन॑ ।
 य॒ज्ञेन॑ य॒ज्ञम् । य॒ज्ञम् प्र॒त्यव॑रोहन्ति । प्र॒त्यव॑रोहन्ति वि ।
 प्र॒त्यव॑रोहन्तीति॑ प्र॒ति – अ॒व॒रोह॑न्ति । वि वै । वा ए॒तत् । ए॒तद्
 य॒ज्ञम् । य॒ज्ञम् छि॑न्दन्ति । छि॒न्दन्ति॑ यत् । यथ् षड॒ह॒स॒न्त॒तम् ।
 षड॒ह॒स॒न्त॒तꣳ स॒न्त॒म् । षड॒ह॒स॒न्त॒तमि॑ति षड॒ह – स॒न्त॒तम् ।
 स॒न्त॒मथ॑ । अथा॒हः । अ॒ह॒रु॒थ्सृ॑जन्ति । उ॒थ्सृ॑जन्ति प्रा॒जाप॑त्यम् ।
 उ॒थ्सृ॑जन्तीत्युत् – सृ॒जन्ति॑ । प्रा॒जाप॑त्यम् प॒शुम् । प्रा॒जाप॑त्यमि॒ति
 प्रा॒जा – प॒त्यम् । प॒शुमा॑ । आ ल॒भ॒न्ते । ल॒भ॒न्ते प्र॒जाप॑तिः ।
 प्र॒जाप॑तिः सर्वाः । प्र॒जाप॑तिरि॒ति प्र॒जा – प॒तिः । सर्वा॑ दे॒वताः॑ ।
 दे॒वता॑ दे॒वता॑भिः । दे॒वता॑भिरे॒व । ए॒व य॒ज्ञम् । य॒ज्ञꣳ स॒म् ।

सम् तन्वन्ति । तन्वन्ति यन्ति । यन्ति वै । वा एते । एते सवनात् ।
सवनाद् ये । येऽहः । अहरुथ्सृजन्ति । 17 (50/59)

TS 7.5.6.4 - Kramam

उथ्सृजन्ति तुरीयम् । उथ्सृजन्तीत्युत् – सृजन्ति । तुरीयम् खलु ।
खलु वै । वा एतत् । एतथ् सवनम् । सवनम् यत् । यथ् सान्नाय्यम् ।
सान्नाय्यम् यत् । सान्नाय्यमिति साम् – नाय्यम् । यथ् सान्नाय्यम् ।
सान्नाय्यम् भवति । सान्नाय्यमिति साम् – नाय्यम् । भवति तेन ।
तेनैव । एव सवनात् । सवनान् न । न यन्ति । यन्ति समुपहूय ।
समुपहूय भक्षयन्ति । समुपहूयेति सम् – उपहूय ।
भक्षयन्त्येतत्सोमपीथाः । एतत्सोमपीथा हि । एतत्सोमपीथा
इत्येतत् – सोमपीथाः । ह्येत्.हि । एत्.हि यथायतनम् ।
यथायतनम् वै । यथायतनमिति यथा – आयतनम् । वा एतेषाम् ।
एतेषां सवनभाजः । सवनभाजो देवताः । सवनभाज इति
सवन – भाजः । देवता गच्छन्ति । गच्छन्ति ये । येऽहः ।
अहरुथ्सृजन्ति । उथ्सृजन्त्यनुसवनम् । उथ्सृजन्तीत्युत् – सृजन्ति ।

अनु॒स॒व॒न॒म् पु॒रो॒डा॒शा॒न् । अनु॒स॒व॒न॒मि॒त्यनु॒ – स॒व॒न॒म् । पु॒रो॒डा॒शा॒न्
 निः । निर् व॒प॒न्ति । व॒प॒न्ति य॒था॒य॒त॒नात् । य॒था॒य॒त॒ना॒दे॒व ।
 य॒था॒य॒त॒ना॒दि॒ति य॒था – आ॒य॒त॒नात् । ए॒व स॒व॒न॒भा॒जः । स॒व॒न॒भा॒जो
 दे॒वताः । स॒व॒न॒भा॒ज इति॑ स॒व॒न – भा॒जः । दे॒वता॒ अव॑ ।
 अव॑ रु॒न्ध॒ते । रु॒न्ध॒तेऽष्टा॑क॒पा॒ला॒न् । अ॒ष्टाक॑पा॒ला॒न् प्रा॒त॒स्स॒व॒ने ।
 अ॒ष्टाक॑पा॒ला॒नि॒त्यष्टा॑ – क॒पा॒ला॒न् । प्रा॒त॒स्स॒व॒न ए॒का॒द॒शक॑पा॒ला॒न् ।
 प्रा॒त॒स्स॒व॒न इति॑ प्रा॒तः – स॒व॒ने । ए॒का॒द॒शक॑पा॒ला॒न् मा॒द्ध्य॑न्दि॒ने ।
 ए॒का॒द॒शक॑पा॒ला॒नि॒त्येका॑द॒श – क॒पा॒ला॒न् । मा॒द्ध्य॑न्दि॒ने स॒व॒ने ।
 स॒व॒ने द्वा॑द॒शक॑पा॒ला॒न् । द्वा॑द॒शक॑पा॒ला॒ञ्च स्तृ॒ती॒यस॒व॒ने ।
 द्वा॑द॒शक॑पा॒ला॒नि॒ति द्वा॑द॒श – क॒पा॒ला॒न् । तृ॒ती॒यस॒व॒ने छ॒न्दा॑ꣳसि ।
 तृ॒ती॒यस॒व॒न इति॑ तृ॒ती॒य – स॒व॒ने । छ॒न्दा॑ꣳस्ये॒व । ए॒वा॒प्त्वा () ।
 आ॒प्त्वाऽव॑ । अव॑ रु॒न्ध॒ते । रु॒न्ध॒ते वै॒श्वदे॒वम् । वै॒श्वदे॒वम् च॒रुम् ।
 वै॒श्वदे॒वमि॒ति वै॒श्व – दे॒वम् । च॒रुम् तृ॒ती॒यस॒व॒ने । तृ॒ती॒यस॒व॒ने निः ।
 तृ॒ती॒यस॒व॒न इति॑ तृ॒ती॒य – स॒व॒ने । निर् व॒प॒न्ति । व॒प॒न्ति वै॒श्वदे॒वम् ।
 वै॒श्वदे॒वम् वै॑ । वै॒श्वदे॒वमि॒ति वै॒श्व – दे॒वम् । वै॑ तृ॒ती॒यस॒व॒नम् ।

तृतीयसवनम् तेन । तृतीयसवनमिति तृतीय – सवनम् । तेनैव ।

एव तृतीयसवनात् । तृतीयसवनान् न ।

तृतीयसवनादिति तृतीय – सवनात् । न यन्ति ।

यन्तीति यन्ति ॥ 18 (65/86)

(उदच – त्यु – द्येऽह – राप्त्वा – पञ्चदश च) (A6)

TS 7.5.7.1 - Kramam

उथ्सृज्या(3)म् न । उथ्सृज्या(3)मित्युत् – सृज्या(3)म् ।

नोथ्सृज्या(3)म् । उथ्सृज्या(3)मिति ।

उथ्सृज्या(3)मित्युत् – सृज्या(3)म् । इति मीमांसन्ते । मीमांसन्ते

ब्रह्मवादिनः । ब्रह्मवादिनस्तत् । ब्रह्मवादिन इति ब्रह्म – वादिनः ।

तदु । वाहुः । आहुरुथ्सृज्यम् । उथ्सृज्यमेव ।

उथ्सृज्यमित्युत् – सृज्यम् । एवेति । इत्यमावास्यायाम् ।

अमावास्यायाम् च । अमावास्यायामित्यमा – वास्यायाम् ।

च पौर्णमास्याम् । पौर्णमास्याम् च । पौर्णमास्यामिति

पौर्ण – मास्याम् । चोथ्सृज्यम् । उथ्सृज्यमिति ।

उथ्सृज्यमित्युत् – सृज्यम् । इत्याहुः । आहुरेते । एते हि ।

ए॒ते इत्ये॒ते । हि य॒ज्ञम् । य॒ज्ञम् व॑हतः । व॒हत इति॑ । इति॑ ते ।
 ते तु । ते इति॑ ते । त्वाव॑ । वाव न । नो॒थ्सृ॒ज्ये॑ । उ॒थ्सृ॒ज्ये॑ इति॑ ।
 उ॒थ्सृ॒ज्ये॑ इत्युत् - सृ॒ज्ये॑ । इत्याहुः॑ । आ॒हुर् ये । ये अ॒वान्तर॑म् ।
 ये इति॑ ये । अ॒वान्तर॑म् य॒ज्ञम् । अ॒वान्तर॑मित्यव - अ॒न्तर॑म् । य॒ज्ञम्
 भेजा॑ते । भेजा॑ते इति॑ । भेजा॑ते इति॑ भेजा॑ते । इति॑ या । या प्र॒थमा॑ ।
 प्र॒थमा॑ व्य॒ष्टका॑ । व्य॒ष्टका॑ तस्याम् । व्य॒ष्टकेति॑ वि - अ॒ष्टका॑ ।
 तस्यामु॒थ्सृ॒ज्यम् । उ॒थ्सृ॒ज्यमिति॑ । उ॒थ्सृ॒ज्यमित्युत् - सृ॒ज्यम् ।
 इत्याहुः॑ । आ॒हुरेषः॑ । ए॒ष वै । वै मा॒सः । मा॒सो वि॒शरः॑ ।
 वि॒शर इति॑ । वि॒शर इति॑ वि - शरः॑ । इति॑ न । नादि॒ष्टम् ।
 आदि॒ष्टमुत् । आदि॒ष्टमित्या॑ - दि॒ष्टम् । 19 (50/67)

TS 7.5.7.2 - Kramam

उ॒थ् सृ॒जेयुः॑ । सृ॒जेयुर् यत् । यदादि॒ष्टम् । आदि॒ष्टमु॒थ्सृ॒जेयुः॑ ।
 आदि॒ष्टमित्या॑ - दि॒ष्टम् । उ॒थ्सृ॒जेयुर् यादृ॒शे॑ ।
 उ॒थ्सृ॒जेयुरित्युत् - सृ॒जेयुः॑ । यादृ॒शे पुनः॑ । पुनः॑ पर्या॒प्लावे॑ ।
 पर्या॒प्लावे॑ मद्ध्ये॑ । पर्या॒प्लाव इति॑ परि - आ॒प्लावे॑ ।
 मद्ध्ये॑ षड॒हस्य॑ । षड॒हस्य॑ सम्पद्येत । षड॒हस्येति॑ षट् - अ॒हस्य॑ ।

सम्पद्येत षडहैः । सम्पद्येतेति सम् – पद्येत । षडहैर् मासान् ।
 षडहैरिति षट् – अहैः । मासान्त् सम्पाद्य । सम्पाद्य यत् ।
 सम्पाद्येति सम्-पाद्य । यत् सप्तमम् । सप्तममहः । अहस्तस्मिन् ।
 तस्मिन्नुत् । उत् सृजेयुः । सृजेयुस्तत् । तदग्नये । अग्नये वसुमते ।
 वसुमते पुरोडाशम् । वसुमत इति वसु – मते ।
 पुरोडाशमष्टाकपालम् । अष्टाकपालम् निः ।
 अष्टाकपालमित्यष्टा – कपालम् । निर् वपेयुः । वपेयुरैन्द्रम् ।
 ऐन्द्रम् दधि । दधीन्द्राय । इन्द्राय मरुत्वते । मरुत्वते पुरोडाशम् ।
 पुरोडाशमेकादशकपालम् । एकादशकपालम् वैश्वदेवम् ।
 एकादशकपालमित्येकादश – कपालम् । वैश्वदेवम् द्वादशकपालम् ।
 वैश्वदेवमिति वैश्व – देवम् । द्वादशकपालमग्नेः । द्वादशकपालमिति
 द्वादश – कपालम् । अग्नेर् वै । वै वसुमतः । वसुमतः
 प्रातस्सवनम् । वसुमत इति वसु – मतः । प्रातस्सवनम् यत् ।
 प्रातस्सवनमिति प्रातः – सवनम् । यदग्नये । अग्नये वसुमते ।
 वसुमते पुरोडाशम् । वसुमत इति वसु – मते ।

पुरो॒डाश॑म॒ष्टाक॑पालम् । अ॒ष्टाक॑पालम् निर्वपन्ति ।
 अ॒ष्टाक॑पालमित्य॒ष्टा - क॒पालम् । निर्वपन्ति दे॒वता॑म् ॥
 निर्वप॑न्तीति निः - वपन्ति । दे॒वता॑मेव । ए॒व तत् । तद् भा॒गिनी॑म् ।
 भा॒गिनी॑म् कुर्वन्ति । कुर्वन्ति स॒वनम् । 20 (50/67)

TS 7.5.7.3 - Kramam

स॒वनम॑ष्टाभिः । अ॒ष्टाभि॑रुप । उप॑ यन्ति । यन्ति यत् । यदै॒न्द्रम् ।
 ऐ॒न्द्रम् दधि॑ । दधि॑ भवति । भव॒तीन्द्र॑म् । इन्द्र॑मेव । ए॒व तत् ।
 तद् भा॒गधे॑यात् । भा॒गधे॑यान् न । भा॒गधे॑यादिति भा॒ग - धे॑यात् ॥
 न च्या॑वयन्ति । च्या॒वय॑न्तीन्द्र॒स्य । इन्द्र॑स्य वै । वै मरु॑त्वतः ।
 मरु॑त्वतो मा॒द्ध्यन्दि॑नम् । मा॒द्ध्यन्दि॑नꣳ स॒वनम् । स॒वनम् य॑त् ।
 यदिन्द्रा॑य । इन्द्रा॑य मरु॑त्वते । मरु॑त्वते पुरो॒डाश॑म् ॥
 पुरो॒डाश॑मेकादशकपालम् । ए॒कादश॑कपालम् निर्वपन्ति ।
 ए॒कादश॑कपालमित्येकादश - क॒पालम् । निर्वपन्ति दे॒वता॑म् ॥
 निर्वप॑न्तीति निः - वपन्ति । दे॒वता॑मेव । ए॒व तत् । तद् भा॒गिनी॑म् ।
 भा॒गिनी॑म् कुर्वन्ति । कुर्वन्ति स॒वनम् । स॒वनमे॑कादशभिः ।
 ए॒कादश॑भि॒रुप । ए॒कादश॑भिरित्येकादश - भिः । उप॑ यन्ति ।

य॒न्ति वि॒श्वेषाम् । वि॒श्वेषाम् वै॑ । वै दे॒वानाम् । दे॒वानाम्भु॒मताम् ।
 ऋ॒भुम॒ताम् तृ॒तीयस॒वनम् । ऋ॒भुम॒तामि॒त्यृ॒भु – म॒ताम् । तृ॒तीयस॒वनम्
 य॑त् । तृ॒तीयस॒वनमि॒ति तृ॒तीय – स॒वनम् । यद् वै॑श्च॒देवम् ।
 वै॒श्च॒देवम् द्वा॒दश॒कपा॒लम् । वै॒श्च॒देवमि॒ति वै॒श्च – दे॒वम् ।
 द्वा॒दश॒कपा॒लम् निर्व॑प॒न्ति । द्वा॒दश॒कपा॒लमि॒ति द्वा॒दश – क॒पा॒लम् ।
 निर्व॑प॒न्ति दे॒वताः । निर्व॑प॒न्तीति॑ निः-व॑प॒न्ति । दे॒वता ए॒व । ए॒व तत् ।
 तद् भा॒गिनीः॑ । भा॒गिनीः॑ कु॒र्वन्ति । कु॒र्वन्ति स॒वनम् ।
 स॒वनम् द्वा॒दश॒भिः । द्वा॒दश॒भिरु॒प ।
 द्वा॒दश॒भिरि॒ति द्वा॒दश – भिः । 21 (50/60)

TS 7.5.7.4 - Kramam

उप॑ य॒न्ति । य॒न्ति प्रा॒जाप॒त्यम् । प्रा॒जाप॒त्यम् प॒शुम् । प्रा॒जाप॒त्यमि॒ति
 प्रा॒जा – प॒त्यम् । प॒शुमा । आ ल॑भ॒न्ते । ल॑भ॒न्ते य॒ज्ञः । य॒ज्ञो वै ।
 वै प्र॒जाप॒तिः । प्र॒जाप॒तिर् य॒ज्ञस्य॑ । प्र॒जाप॒तिरि॒ति प्र॒जा – प॒तिः ।
 य॒ज्ञस्या॑ननु॒सर्गा॑य । अ॒ननु॒सर्गा॑याभि॒वर्तः॑ ।
 अ॒ननु॒सर्गा॑येत्य॒ननु – स॒र्गा॑य । अ॒भि॒वर्त॑ इ॒तः । अ॒भि॒वर्त॑
 इ॒त्यभि॑ – व॒र्तः । इ॒तः षट् । षण्मा॒सः । मा॒सो ब्र॑ह्म॒साम॑म् ।

ब्र॒ह्म॒साम॑म् भ॒वति॑ । ब्र॒ह्म॒साम॑मि॒ति ब्र॒ह्म - साम॑म् । भ॒वति॑ ब्र॒ह्म ।
 ब्र॒ह्म वै । वा अ॒भि॒व॒र्तः । अ॒भि॒व॒र्तो ब्र॒ह्म॒णा । अ॒भि॒व॒र्त
 इ॒त्य॒भि - व॒र्तः । ब्र॒ह्म॒णै॒व । ए॒व तत् । तथ् सु॒व॒र्गम् ।
 सु॒व॒र्गम् लो॒कम् । सु॒व॒र्गमि॒ति सु॒वः - गम् । लो॒कम॑भि॒व॒र्त॒यन्तः॑ ।
 अ॒भि॒व॒र्त॒यन्तो॑ यन्ति । अ॒भि॒व॒र्त॒यन्त॑ इ॒त्य॒भि - व॒र्त॒यन्तः॑ ।
 यन्ति॑ प्र॒ति॒कू॒लम् । प्र॒ति॒कू॒लमि॒व । प्र॒ति॒कू॒लमि॒ति प्र॒ति - कू॒लम् ।
 इ॒व हि । ही॒तः । इ॒तः सु॒व॒र्गः । सु॒व॒र्गो लो॒कः । सु॒व॒र्ग इति॑
 सु॒वः - गः । लो॒क इन्द्र॑ । इन्द्र॑ क्र॒तुम् । क्र॒तुम् नः । न आ ।
 आ भ॑र । भ॒र पि॒ता । पि॒ता पु॒त्रेभ्यः॑ । पु॒त्रेभ्यो॑ यथा॑ । यथेति॑ यथा॑ ॥
 शिक्षा॑ नः । नो अ॒स्मिन् । अ॒स्मिन् पु॒रुहू॑त । पु॒रुहू॑त या॒मनि॑ ।
 पु॒रुहू॑तेति॑ पु॒रु - हू॒त । या॒मनि॑ जी॒वाः । जी॒वा ज्यो॑तिः ।
 ज्यो॑ति॒रशी॑महि । अ॒शी॒मही॑ति () । इ॒त्य॒मु॒तः । अ॒मु॒त आ॒य॒ताम् ।
 आ॒य॒ता षट् । आ॒य॒तामि॒त्या - य॒ताम् । षण्मा॑सः । मा॒सो
 ब्र॒ह्म॒साम॑म् । ब्र॒ह्म॒साम॑म् भ॒वति॑ । ब्र॒ह्म॒साम॑मि॒ति ब्र॒ह्म - साम॑म् ।
 भ॒वत्य॑यम् । अ॒यम् वै । वै लो॒कः । लो॒को ज्यो॑तिः । ज्यो॑तिः प्र॒जा ।

प्र॒जा ज्यो॑तिः । प्र॒जेति॑ प्र – जा । ज्यो॑तिरि॒मम् । इ॒ममे॒व । ए॒व तत् ।
तल्लो॒कम् । लो॒कम् प॑श्यन्तः । प॑श्यन्तोऽभि॒वद॑न्तः ।
अ॒भि॒वद॑न्त आ । अ॒भि॒वद॑न्त इत्य॑भि – वद॑न्तः । आ य॑न्ति ।
यन्ती॑ति यन्ति ॥ 22 (70/85)

(नादि॑ष्टम् – कु॒र्वन्ति॑ – द्वा॒दश॑भि – रि॒ति – वि॒शति॑श्च) (A7)

TS 7.5.8.1 - Kramam

दे॒वाना॑म् वै । वा अ॒न्तम् । अ॒न्तम् ज॒ग्मु॑षाम् । ज॒ग्मु॑षामिन्द्रि॒यम् ।
इन्द्रि॒यम् वी॒र्यम्॑ । वी॒र्य॑मप । अ॒पा॒क्राम॑त् । अ॒क्राम॑त् तत् । तत्
क्रो॒शेन॑ । क्रो॒शेना॑व । अ॒वा॒रु॒न्धत॑ । अ॒रु॒न्धत॑ तत् । तत् क्रो॒शस्य॑ ।
क्रो॒शस्य॑ क्रो॒शत्व॑म् । क्रो॒शत्व॑म् य॒त् । क्रो॒शत्व॑मि॒ति क्रो॒श – त्वम् ।
यत् क्रो॒शेन॑ । क्रो॒शेन॑ चा॒त्वा॒लस्य॑ । चा॒त्वा॒लस्या॒न्ते॑ । अ॒न्ते॑ स्तु॒वन्ति॑ ।
स्तु॒वन्ति॑ य॒ज्ञस्य॑ । य॒ज्ञस्यै॒व । ए॒वा॒न्तम् । अ॒न्तम् ग॒त्वा । ग॒त्वेन्द्रि॒यम् ।
इन्द्रि॒यम् वी॒र्यम्॑ । वी॒र्य॑मव । अ॒व रु॒न्धते॑ । रु॒न्धते॑ स॒त्रस्य॑र्द्ध्या ।
स॒त्रस्य॑र्द्ध्याऽऽह॒वनी॑यस्य । आह॒वनी॑यस्या॒न्ते॑ ।
आह॒वनी॑यस्येत्या – ह॒वनी॑यस्य । अ॒न्ते॑ स्तु॒वन्ति॑ । स्तु॒वन्त्य॒ग्निम् ।
अ॒ग्निमे॒व । ए॒वोप॑द्र॒ष्टार॑म् । उ॒पद्र॑ष्टारम् कृ॒त्वा ।

उ॒प॒द्र॒ष्टा॒र॒मि॒त्यु॒प – द्र॒ष्टा॒र॒म् । कृ॒त्त्व॒र्द्धि॒म् । ऋ॒द्धि॒मु॒प । उ॒प॒ य॒न्ति॒ ।
य॒न्ति॒ प्र॒जा॒प॒ते॒र्हृ॒द॒ये॒न । प्र॒जा॒प॒ते॒र्हृ॒द॒ये॒न॒ ह॒वि॒र्द्धा॒ने॑ ।
ह॒वि॒र्द्धा॒ने॒ऽन्तः॑ । ह॒वि॒र्द्धा॒न॒ इति॑ ह॒विः॑ – धा॒ने॑ । अ॒न्तः॑ स्तु॒वन्ति॑ ।
स्तु॒वन्ति॑ प्रे॒माण॑म् । प्रे॒माण॑मे॒व । ए॒वा॒स्य॑ । अ॒स्य॑ ग॒च्छन्ति॑ ।
ग॒च्छन्ति॑ श्लो॒के॒न । श्लो॒के॒न॒ पु॒रस्ता॑त् । पु॒रस्ता॑त् सद॒सः॑ ।
सद॒सः॑ स्तु॒वन्ति॑ । 23 (50/54)

TS 7.5.8.2 - Kramam

स्तु॒वन्त्यु॒नु॒श्लो॒के॒न । अ॒नु॒श्लो॒के॒न॒ प॒श्चात् ।
अ॒नु॒श्लो॒के॒ने॒त्यु॒नु – श्लो॒के॒न॒ । प॒श्चाद् य॒ज्ञस्य॑ । य॒ज्ञस्यै॒व ।
ए॒वान्त॑म् । अ॒न्तम् ग॒त्वा । ग॒त्वा श्लो॒क॒भाजः॑ । श्लो॒क॒भाजो॑
भ॒वन्ति॑ । श्लो॒क॒भाज॑ इति॑ श्लो॒क – भाजः॑ । भ॒वन्ति॑ न॒वभिः॑ ।
न॒वभि॑र॒द्ध्वर्युः॑ । न॒वभि॑रिति॑ न॒व-भिः॑ । अ॒द्ध्वर्यु॑रुत् । उ॒द् गा॑यति ।
गा॑यति न॒व । न॒व वै । वै पु॒रुषे॑ । पु॒रुषे॑ प्रा॒णाः । प्रा॒णाः प्रा॒णान् ।
प्रा॒णा इति॑ प्र – अ॒नाः । प्रा॒णाने॒व । प्रा॒णानि॑ति॒ प्र – अ॒नान् ।
ए॒व य॑ज॒माने॑षु । य॑ज॒माने॑षु द॒धाति॑ । द॒धाति॑ सर्वाः॑ । सर्वा॑ ऐ॒न्द्रि॒यः ।
ऐ॒न्द्रि॒यो भ॑वन्ति । भ॒वन्ति॑ प्रा॒णेषु॑ । प्रा॒णेष्वे॒व ।

प्रा॒णेष्वि॑ति प्र – अ॒नेषु॑ । ए॒वेन्द्रि॒यम् । इन्द्रि॒यम् द॑धति ।
दध॑त्यप्रति॒हताभिः॑ । अप्रति॒हताभि॑रुत् ।
अप्रति॒हताभि॑रित्यप्रति – ह॒ताभिः॑ । उद् गा॑यति । गा॒यति तस्मा॑त् ।
तस्मा॑त् पु॒रुषः॑ । पु॒रुषः॑ सर्वा॒णि । सर्वा॑ण्यन्यानि । अ॒न्यानि॑ शी॒र्ष्णः ।
शी॒र्ष्णोऽङ्गानि॑ । अङ्गानि॑ प्रति । प्रत्य॑चति । अ॒चति॑ शिरः । शिर॑
ए॒व । ए॒व न । न पञ्च॑दशम् । पञ्च॑दशं रथ॒न्तरम्॑ । पञ्च॑दशमिति॑
पञ्च – द॒शम् । रथ॒न्तरम्॑ भवति । रथ॒न्तरमि॑ति रथम् – त॒रम् ।
भव॑तीन्द्रि॒यम् । इन्द्रि॒यमे॒व । ए॒वाव॑ । अव॑ रुन्धते ।
रुन्ध॑ते सप्त॒दशम्॑ । सप्त॒दशम्॑ बृ॒हत् ।
सप्त॒दशमि॑ति सप्त – द॒शम् । 24 (50/60)

TS 7.5.8.3 - Kramam

बृ॒हद॒न्नाद्य॑स्य । अ॒न्नाद्य॑स्याव॒रुद्ध्यै॑ । अ॒न्नाद्य॑स्येत्य॒न्न – अ॒द्यस्य॑ ।
अव॑रुद्ध्य॒ अथो॑ । अव॑रुद्ध्य॒ इत्य॑व – रु॒द्ध्यै॑ । अथो॑ प्र । अथो॑
इत्य॑थो॑ । प्रै॒व । ए॒व तेन॑ । तेन॑ जा॒यन्ते॑ । जा॒यन्त॑ ए॒कविं॑शम् ।
ए॒कविं॑शम् भ॒द्रम् । ए॒कविं॑शमित्ये॒क – विं॑शम् ।

भ॒द्रम् द्वि॒पदा॑सु । द्वि॒पदा॑सु प्र॒तिष्ठि॑त्यै । द्वि॒पदा॑स्विति द्वि – पदा॑सु ।
 प्र॒तिष्ठि॑त्यै प॒न्नयः॑ । प्र॒तिष्ठि॑त्या इति प्र॒ति – स्थि॑त्यै । प॒न्नय॑ उप ।
 उप॑ गायन्ति । गा॒यन्ति मि॒थुन॑त्वाय । मि॒थुन॑त्वाय प्र॒जात्यै॑ ॥
 मि॒थुन॑त्वायेति मि॒थुन – त्वाय॑ । प्र॒जात्यै॑ प्र॒जाप॑तिः । प्र॒जात्या॑ इति
 प्र – जा॑त्यै । प्र॒जाप॑तिः प्र॒जाः । प्र॒जाप॑तिरिति प्र॒जाः – प॑तिः ।
 प्र॒जा अ॑सृजत । प्र॒जा इति॑ प्र-जाः । अ॒सृज॑त सः । सोऽ॒काम॑यत ।
 अ॒काम॑यता॒साम् । आ॒साम॑हम् । अ॒हञ् राज्य॑म् । राज॑यम् परि ।
 प॒रीयाम् । इ॒यामि॑ति । इति॑ ता॒साम् । ता॒साञ् राज॑नेन । राज॑नेनैव ।
 ए॒व राज॑यम् । राज॑यम् परि । प॒र्यैत् ॥ ऐ॒त् तत् । तद् राज॑नस्य ।
 राज॑नस्य राज॑नत्वम् । राज॑नत्वम् यैत् । राज॑नत्वमिति राज॑न-त्वम् ।
 यद् राज॑नम् । राज॑नम् भवति । भवति॑ प्र॒जाना॑म् । प्र॒जाना॑मेव ।
 प्र॒जाना॑मिति प्र – जाना॑म् । ए॒व तत् । तद् यज॑मानाः ।
 यज॑माना राज॑यम् । राज॑यम् परि । परि॑ यन्ति । यन्ति॑ पञ्च॒विंश॑म् ।
 पञ्च॒विंश॑म् भवति । पञ्च॒विंश॑मिति पञ्च – विंश॑म् । भवति॑
 प्र॒जाप॑तेः । प्र॒जाप॑तेराप्त्यै॑ । प्र॒जाप॑तेरिति प्र॒जा – प॑तेः । 25 (50/64)

TS 7.5.8.4 - Kramam

आप्त्यै॑ पञ्च॒भिः॑ । पञ्च॒भिस्तिष्ठ॑न्तः । पञ्च॒भिरिति॑ पञ्च – भिः॒ ।
 तिष्ठ॑न्तः स्तुव॑न्ति । स्तुव॑न्ति दे॒वलो॒कम् । दे॒वलो॒कमे॒व ।
 दे॒वलो॒कमिति॑ दे॒व-लो॒कम् । ए॒वाभि॑ । अ॒भि ज॑यन्ति । ज॒यन्ति॒
 पञ्च॒भिः॑ । पञ्च॒भिरासी॑नाः । पञ्च॒भिरिति॑ पञ्च – भिः॒ । आसी॑ना
 मनु॒ष्यलो॒कम् । मनु॒ष्यलो॒कमे॒व । मनु॒ष्यलो॒कमिति॑ मनु॒ष्य-लो॒कम् ।
 ए॒वाभि॑ । अ॒भि ज॑यन्ति । ज॒यन्ति॒ दश॑ । दश॑ सम् । सम् प॒द्यन्ते॑ ।
 प॒द्यन्ते॑ दशाक्ष॑रा । दशाक्ष॑रा वि॒राट् । दशाक्ष॑रेति॒ दश॑ – अक्ष॑रा ।
 वि॒राडन्न॑म् । वि॒राडिति॑ वि – राट् । अन्न॑म् वि॒राट् । वि॒राड् वि॒राजा॑ ।
 वि॒राडिति॑ वि – राट् । वि॒राजै॒व । वि॒राजेति॑ वि-राजा॑ । ए॒वान्नाद्य॑म् ।
 अ॒न्नाद्य॑मव । अ॒न्नाद्य॑मित्यन्न – अद्य॑म् । अव॑ रुन्धते । रुन्ध॑ते
 पञ्च॒धा । पञ्च॒धा वि॒निष॑द्य । पञ्च॒धेति॑ पञ्च – धा । वि॒निष॑द्य
 स्तुव॑न्ति । वि॒निष॑द्येति॒ वि – निष॑द्य । स्तुव॑न्ति पञ्च॑ । पञ्च॑ दि॒शः॑ ।
 दि॒शो दि॒क्षु । दि॒क्ष्वे॒व । ए॒व प्र॑ति । प्र॑ति तिष्ठन्ति । तिष्ठ॑न्त्येकै॒कया॑ ।
 एकै॑कयाऽस्तु॒तया॑ । एकै॑कयेत्ये॒कया॑ – ए॒कया॑ । अस्तु॒तया॑
 स॒माय॑न्ति । स॒माय॑न्ति दिग्भ्यः॑ । स॒माय॑न्तीति॒ सम् – आ॑यन्ति ।

दि॒ग्भ्य॒ ए॒व । दि॒ग्भ्य॒ इति॑ दिक्-भ्यः । ए॒वान्नाद्य॑म् । अ॒न्नाद्य॑ सम् ।
 अ॒न्नाद्या॑मित्य॒न्न - अद्य॑म् । सम् भ॑रन्ति । भ॒रन्ति॑ ताभिः ।
 ताभि॑रुद्गा॒ता । उ॒द्गा॒तोत् । उ॒द्गा॒तेत्यु॑त् - गा॒ता । उद् गा॑यति ।
 गा॒यति॑ दि॒ग्भ्यः । दि॒ग्भ्य॒ ए॒व । दि॒ग्भ्य॒ इति॑ दिक् - भ्यः ।
 ए॒वान्नाद्य॑म् । अ॒न्नाद्य॑ सम्भृ॑त्य ।
 अ॒न्नाद्य॑मित्य॒न्न - अद्य॑म् । 26 (50/68)

TS 7.5.8.5 - Kramam

सम्भृ॑त्य तेजः । सम्भृ॑त्येति॑ सम् - भृ॑त्य । तेज॑ आ॒त्मन् । आ॒त्मन्
 दध॑ते । दध॑ते तस्मा॑त् । तस्मा॑देकः । एकः॑ प्रा॒णः । प्रा॒णः सर्वा॑णि ।
 प्रा॒ण इति॑ प्र - अ॒नः । सर्वा॑ण्यङ्गानि । अङ्गान्य॑वति । अ॒वत्यथो॑ ।
 अथो॑ यथा॑ । अथो॑ इत्यथो॑ । यथा॑ सु॒पर्णः । सु॒पर्ण उत्प॑तिष्यन् ।
 सु॒पर्ण इति॑ सु - पर्णः । उत्प॑तिष्यञ्छि॑रः ।
 उत्प॑तिष्यन्नित्यु॑त् - प॒तिष्यन् । शिर॑ उत्त॒मम् । उत्त॒मम् कुरु॑ते ।
 उत्त॒ममित्यु॑त् - त॒मम् । कुरु॑त ए॒वम् । ए॒वमे॒व । ए॒व तत् ।
 तद् यज॑मानाः । यज॑मानाः प्र॒जाना॑म् । प्र॒जाना॑मुत्त॒माः । प्र॒जाना॑मिति॑
 प्र - जाना॑म् । उत्त॒मा भव॑न्ति । उत्त॒मा इत्यु॑त् - त॒माः ।

भ॒वन्त्या॒स॒न्दीम् । आ॒स॒न्दी॒मुद्गा॒ता । आ॒स॒न्दी॒मित्या॑ – स॒न्दीम् ।
 उ॒द्गा॒ता ऽऽ रो॑हति । उ॒द्गा॒तेत्यु॑त् – गा॒ता । आ रो॑हति । रो॒हति
 साम्रा॑ज्यम् । साम्रा॑ज्यमे॒व । साम्रा॑ज्यमि॒ति साम् – रा॒ज्यम् । ए॒व
 ग॒च्छन्ति॑ । ग॒च्छन्ति॑ प्ले॒ङ्खम् । प्ले॒ङ्ख॑ होता । होता॑ ना॒कस्य॑ ।
 ना॒कस्यै॑व । ए॒व पृ॒ष्ठम् । पृ॒ष्ठ॑ रो॑हन्ति । रो॒हन्ति॑ कू॒र्चौ ।
 कू॒र्चाव॑ध्व॒र्युः । अ॒ध्व॒र्युर् ब्र॑ध्नस्य । ब्र॒ध्नस्यै॑व । ए॒व वि॒ष्टप॑म् ।
 वि॒ष्टप॑म् ग॒च्छन्ति॑ । ग॒च्छन्त्ये॒ताव॑न्तः । ए॒ताव॑न्तो॒ वै । वै दे॒वलो॒काः ।
 दे॒वलो॒कास्तेषु॑ । दे॒वलो॒का इति॑ दे॒व – लो॒काः । ते॒ष्वे॒व ।
 ए॒व यथा॑पूर्वम् । यथा॑पूर्वम् प्र॒ति () । यथा॑पूर्वमि॒ति यथा॑ – पूर्॒वम् ।
 प्र॒ति ति॑ष्ठन्ति । ति॒ष्ठन्त्यथो॑ । अथो॑ आ॒क्रम॑णम् । अथो॑ इत्यथो॑ ।
 आ॒क्रम॑णमे॒व । आ॒क्रम॑णमि॒त्या – क्र॑मणम् । ए॒व तत् । तथ् से॒तुम् ।
 से॒तुम् य॑ज॒मानाः॑ । यज॒मानाः॑ कुर्व॑ते । कुर्व॑ते सु॒वर्ग॑स्य । सु॒वर्ग॑स्य
 लो॒कस्य॑ । सु॒वर्ग॑स्येति॑ सु॒वः – ग॑स्य । लो॒कस्य॑ स॒मष्ट्यै॑ ।
 स॒मष्ट्या॑ इति॑ स॒म् – अ॒ष्ट्यै ॥ 27 (61/77) (स॒दसः॑ – स॒प्तद॒शम्
 – प्र॒जाप॑ते – गा॒यति॑ दि॒ग्भ्य ए॒वान्ना॒द्यम् – प्र॒त्ये – का॒दश॑ च)
 (A8)

TS 7.5.9.1 - Kramam

अ॒र्क्ये॒ण॒ वै । वै॒ सह॒स्र॒शः । सह॒स्र॒शः॒ प्र॒जा॒प॒तिः । सह॒स्र॒श इति॑
सह॒स्र – शः । प्र॒जा॒प॒तिः प्र॒जाः । प्र॒जा॒प॒तिरिति॑ प्र॒जा – प॒तिः ।
प्र॒जा अ॒सृ॒जत॑ । प्र॒जा इति॑ प्र – जाः । अ॒सृ॒जत॑ ता॒भ्यः ।
ता॒भ्य इ॒लान्दे॑न । इ॒लान्दे॑ने॒राम् । इ॒राम् लू॒ताम् । लू॒ताम॒व । अ॒वा॒रु॒न्ध ।
अ॒रु॒न्ध यत् । यद॒र्क्यम् । अ॒र्क्यम् भ॒वति॑ । भ॒वति॑ प्र॒जाः । प्र॒जा
ए॒व । प्र॒जा इति॑ प्र – जाः । ए॒व तत् । तद् यज॑मा॒नाः । यज॑मा॒नाः
सृ॒जन्ते॑ । सृ॒जन्त॑ इ॒लान्द॑म् । इ॒लान्द॑म् भ॒वति॑ । भ॒वति॑ प्र॒जाभ्यः॑ ।
प्र॒जाभ्य॑ ए॒व । प्र॒जाभ्य॑ इति॑ प्र – जा॒भ्यः । ए॒व सृ॒ष्टाभ्यः॑ । सृ॒ष्टाभ्य॑
इ॒राम् । इ॒राम् लू॒ताम् । लू॒ताम॒व । अ॒व रु॒न्धते॑ । रु॒न्धते॑ तस्मा॑त् ।
तस्मा॑द् या॒म् । या॒ꣳ स॒मा॒म् । स॒माꣳ स॒त्रम् । स॒त्रꣳ स॒मृ॒द्धम् ।
स॒मृ॒द्धम् क्षो॑धु॒काः । स॒मृ॒द्धमि॒ति स॒म् – ऋ॒द्धम् । क्षो॑धु॒कास्ता॒म् ।
ता॒ꣳ स॒मा॒म् । स॒मा॒म् प्र॒जाः । प्र॒जा इ॒षम् । प्र॒जा इति॑ प्र – जाः ।
इ॒षꣳ हि॑ । ह्या॒साम् । आ॒सामूर्ज॑म् । ऊ॒र्जमा॑द॒दते॑ । आ॒द॒दते॑ या॒म् ।
आ॒द॒दत॑ इत्या॑ – द॒दते॑ । या॒ꣳ स॒मा॒म् । स॒मा॒म् व्यृ॑द्धम् ।
व्यृ॑द्ध॒मक्षो॑धु॒काः । व्यृ॑द्ध॒मि॒ति वि – ऋ॒द्धम् । अ॒क्षो॑धु॒कास्ता॒म् ।

ता॒ स॒मा॒म् । स॒मा॒म् प्र॒जाः । प्र॒जा न ।

प्र॒जा इति॑ प्र – जाः । 28 (50/60)

TS 7.5.9.2 - Kramam

न हि । ह्या॒साम् । आ॒सा॒मिष॑म् । इ॒षमूर्ज॑म् । ऊ॒र्जमा॑ददते ।
 आ॒दद॑त उत्क्रो॒दम् । आ॒दद॑त इत्या॑ – दद॑ते । उत्क्रो॒दम् कु॑र्वते ।
 उत्क्रो॒दमित्यु॑त् – क्रो॒दम् । कु॒र्वते॑ यथा॑ । यथा॑ ब॒न्धात् ।
 ब॒न्धान् मुमु॑चानाः । मुमु॑चाना उत्क्रो॒दम् । उत्क्रो॒दम् कु॑र्वते ।
 उत्क्रो॒दमित्यु॑त् – क्रो॒दम् । कु॒र्वत॑ ए॒वम् । ए॒वमे॒व । ए॒व तत् ।
 तद् यज॑मानाः । यज॑माना दे॒वब॒न्धात् । दे॒वब॒न्धान् मुमु॑चानाः ।
 दे॒वब॒न्धादि॑ति दे॒व-ब॒न्धात् । मुमु॑चाना उत्क्रो॒दम् । उत्क्रो॒दम् कु॑र्वते ।
 उत्क्रो॒दमित्यु॑त् – क्रो॒दम् । कु॒र्वत॑ इ॒षम् । इ॒षमूर्ज॑म् । ऊ॒र्जमा॑त्मन् ।
 आ॒त्मन् द॑धानाः । द॑धाना वा॒णः । वा॒णः श॑ततन्तुः ।
 श॑ततन्तुर् भवति । श॑ततन्तु॒रिति॑ श॒त – तन्तुः॑ । भवति॑ श॒तायुः॑ ।
 श॒तायुः॑ पु॒रुषः॑ । श॒तायु॑रिति॑ श॒त – आ॒युः॑ । पु॒रुषः॑ श॒तेन्द्रि॑यः ।
 श॒तेन्द्रि॑य आ॒युषि॑ । श॒तेन्द्रि॑य इति॑ श॒त – इन्द्रि॑यः । आ॒युष्ये॒व ।
 ए॒वेन्द्रि॑ये । इन्द्रि॑ये प्र॒ति । प्र॒ति तिष्ठ॑न्ति । तिष्ठ॑न्त्याजिम् ।

आजि॒म् धा॑वन्ति । धा॒वन्त्य॒नभि॑जितस्य । अन॒भिजित॑स्याभिजित्यै ।
 अन॒भिजित॑स्येत्य॒नभि॑ - जि॒तस्य॒ । अ॒भिजित्यै॑ दु॒न्दुभी॑न् ।
 अ॒भिजित्या॑ इत्य॒भि - जि॒त्यै । दु॒न्दुभी॑न्त् समा॒घ्नन्ति॑ । समा॒घ्नन्ति॑
 पर॒मा । समा॒घ्नन्तीति॑ सम् - आ॒घ्नन्ति॑ । पर॒मा वै । वा ए॒षा ।
 ए॒षा वाक् । वाग् या । या दु॒न्दुभौ॑ । दु॒न्दुभौ॑ पर॒माम् ।

पर॒मामे॒व । ए॒व वाच॑म् । 29 (50/61)

TS 7.5.9.3 - Kramam

वाच॑मव । अव रु॒न्धते॑ । रु॒न्धते॑ भू॒मिदु॒न्दुभि॑म् । भू॒मिदु॒न्दुभि॑मा ।
 भू॒मिदु॒न्दुभि॑मिति॑ भू॒मि - दु॒न्दुभि॑म् । आ घ्नन्ति॑ । घ्नन्ति॑ या । यैव ।
 ए॒वेमाम् । इ॒माम् वाक् । वाक् प्रवि॑ष्टा । प्रवि॑ष्टा ता॒म् । प्रवि॑ष्टेति॒
 प्र - वि॑ष्टा । ता॒मेव । ए॒वाव । अव रु॒न्धते॑ । रु॒न्धते॑ऽथो॑ । अथो॑
 इ॒माम् । अथो॑ इत्यथो॑ । इ॒मामे॒व । ए॒व जय॑न्ति । जय॑न्ति सर्वाः॑ ।
 सर्वा॑ वाचः॑ । वाचो॑ वदन्ति॑ । वद॑न्ति सर्वा॑साम् । सर्वा॑साम् वा॒चाम् ।
 वा॒चामव॑रुद्ध्यै । अव॑रुद्ध्य॒ आर्द्रे॑ । अव॑रुद्ध्य॒ इत्यव॑ - रुद्ध्यै॑ ।
 आर्द्रे॑ चर्मन् । चर्मन् व्याय॑च्छेते । व्याय॑च्छेते इन्द्रि॒यस्य॑ । व्याय॑च्छेते॒
 इति॑ वि - आय॑च्छेते । इन्द्रि॒यस्याव॑रुद्ध्यै । अव॑रुद्ध्य॒ आ ।

अवरुद्ध्य॑ इत्यव॑-रुद्ध्यै॑ । आऽन्यः॑ । अ॒न्यः क्रो॑शति । क्रो॑शति प्र ।
 प्रा॒न्यः । अ॒न्यः श॑स्सति । श॑स्सति यः । य आ॒क्रो॑शति ।
 आ॒क्रो॑शति पु॒नाति॑ । आ॒क्रो॑शतीत्या॑-क्रो॑शति । पु॒नात्ये॒व । ए॒वैनान्॑ ।
 ए॒ना॒न्थ॑ सः । स यः । यः प्र॒श॑स्सति । प्र॒श॑स्सति पू॒तेषु॑ ।
 प्र॒श॑स्सतीति॑ प्र – श॑स्सति । पू॒तेष्वे॒व । ए॒वान्नाद्य॑म् ।
 अ॒न्नाद्य॑म् दधाति । अ॒न्नाद्य॑मित्यन्न – अद्य॑म् । द॒धात्यृषि॑कृतम् ।
 ऋषि॑कृतम् च () । ऋषि॑कृत॒मित्यृषि॑ – कृ॒तम् । च॒ वै । 30 (50/60)

TS 7.5.9.4 - Kramam

वा ए॒ते । ए॒ते दे॒वकृ॑तम् । दे॒वकृ॑तम् च । दे॒वकृ॑त॒मिति॑ दे॒व-कृ॑तम् ।
 च पू॒र्वैः॑ । पू॒र्वैर् मा॑सैः । मा॑सैरव । अव रु॒न्धते॑ । रु॒न्धते॑ यत् । यद्
 भू॒तेच्छ॑दाम् । भू॒तेच्छ॑दा॒सामा॑नि । भू॒तेच्छ॑दा॒मिति॑ भू॒ते – छ॑दाम् ।
 सामा॑नि भवन्ति । भवन्त्यु॒भय॑स्य । उ॒भय॑स्यावरुद्ध्यै॑ । अवरुद्ध्यै॑
 यन्ति॑ । अवरुद्ध्य॑ इत्यव॑ – रुद्ध्यै॑ । यन्ति॑ वै । वा ए॒ते ।
 ए॒ते मि॑थुनात् । मि॑थुनाद् ये । ये स॒म्व॑त्स॒रम् ।
 स॒म्व॑त्स॒रमु॑पयन्ति । स॒म्व॑त्स॒रमिति॑ स॒म्व॑त्स॒रम् ।

उ॒प॒य॒न्त्य॒न्त॒र्वे॒दि । उ॒प॒य॒न्ती॒त्यु॒प – य॒न्ति । अ॒न्त॒र्वे॒दि मि॒थु॒नौ ।
 अ॒न्त॒र्वे॒दी॒त्य॒न्तः – वे॒दि । मि॒थु॒नौ स॒म् । स॒म् भ॒वतः ।
 भ॒वत॒स्तेन॑ । तेनै॒व । ए॒व मि॒थु॒नात् । मि॒थु॒नान् न । न य॒न्ति ।
 य॒न्तीति॑ य॒न्ति ॥ 31 (30/36) (व्य॑द्ध॒मक्षो॑धु॒कास्ता॑ꣳ स॒माम् प्र॒जाः –
 प॒र॒मा॒मे॒व – च॑ – त्रि॒श॒च्च॑) (A9)

TS 7.5.10.1 - Kramam

च॒र्मा॒व । अ॒व भि॒न्द॒न्ति । भि॒न्द॒न्ति पा॒प्मान॑म् । पा॒प्मान॑मे॒व ।
 ए॒वैषा॑म् । ए॒षाम॑व । अ॒व भि॒न्द॒न्ति । भि॒न्द॒न्ति मा । माऽप॑ ।
 अ॒प रा॒थ॒सीः । रा॒थ॒सीर् मा । माऽति॑ । अ॒ति व्या॒थ॒सीः । व्या॒थ॒सीरि॑ति ।
 इ॒त्याह॑ । आ॒ह स॒म्प्र॒ति । स॒म्प्र॒त्ये॒व । स॒म्प्र॒तीति॑ स॒म् – प्र॒ति ।
 ए॒वैषा॑म् । ए॒षाम् पा॒प्मान॑म् । पा॒प्मान॑म॒व । अ॒व भि॒न्द॒न्ति ।
 भि॒न्द॒न्त्यु॒दकु॑म्भान् । उ॒दकु॑म्भान॒धिनि॑धाय ।
 उ॒दकु॑म्भानि॒त्यु॒द – कु॑म्भान् । अ॒धिनि॑धाय दा॒स्यः ।
 अ॒दिनि॑धायेत्य॒धि–नि॑धाय । दा॒स्यो मा॒र्जा॒लीय॑म् । मा॒र्जा॒लीय॑म् परि॑ ।
 परि॑ नृत्यन्ति । नृत्यन्ति प॒दः । प॒दो नि॒घ्न॒तीः । नि॒घ्न॒तीरि॑द॒म्मधु॑म् ।
 नि॒घ्न॒तीरि॑ति नि – घ्न॒तीः । इ॒द॒म्मधु॑म् गा॒य॒न्त्यः ।

इ॒द॒म॒धु॒मि॒ती॒द॒म् – म॒धु॒म् । गा॒य॒न्त्यो॒ म॒धु॒ । म॒धु॒ वै । वै दे॒वा॒ना॒म् ॥
 दे॒वा॒ना॒म् प॒र॒म॒म् । प॒र॒म॒म॒न्ना॒द्य॒म् । अ॒न्ना॒द्य॒म् प॒र॒म॒म् ।
 अ॒न्ना॒द्य॒मि॒त्य॒न्न – अ॒द्य॒म् । प॒र॒म॒मे॒व । ए॒वा॒न्ना॒द्य॒म् । अ॒न्ना॒द्य॒म॒व॒ ।
 अ॒न्ना॒द्य॒मि॒त्य॒न्न – अ॒द्य॒म् । अ॒व॒ रु॒न्ध॒ते । रु॒न्ध॒ते प॒दः । प॒दो निः ।
 नि॒र् घ्न॒न्ति । घ्न॒न्ति म॒ही॒या॒म् । म॒ही॒या॒मे॒व । ए॒वैषु॒ । ए॒षु द॒ध॒ति॒ ।
 द॒ध॒ती॒ति द॒ध॒ति ॥ 32 (49/56)

(चर्मै – कान्न पञ्चाशत्) (A10)

TS 7.5.11.1 - Kramam

पृ॒थि॒व्यै स्वा॒हा । स्वा॒हाऽन्त॑रि॒क्षाय॒ । अ॒न्त॑रि॒क्षाय॒ स्वा॒हा । स्वा॒हा
 दि॒वे । दि॒वे स्वा॒हा । स्वा॒हा स॒म॒प्लो॒ष्य॒ते । स॒म॒प्लो॒ष्य॒ते स्वा॒हा ।
 स॒म॒प्लो॒ष्य॒त इति॑ स॒म् – प्लो॒ष्य॒ते । स्वा॒हा स॒म॒प्ल॒व॒मा॒नाय॒ ।
 स॒म॒प्ल॒व॒मा॒नाय॒ स्वा॒हा । स॒म॒प्ल॒व॒मा॒नायेति॑ स॒म् – प्ल॒व॒मा॒नाय॒ ।
 स्वा॒हा स॒म॒प्लु॒ताय॒ । स॒म॒प्लु॒ताय॒ स्वा॒हा । स॒म॒प्लु॒तायेति॑
 स॒म् – प्लु॒ताय॒ । स्वा॒हा मे॒घा॒यि॒ष्य॒ते । मे॒घा॒यि॒ष्य॒ते स्वा॒हा ।
 स्वा॒हा मे॒घा॒य॒ते । मे॒घा॒य॒ते स्वा॒हा । मे॒घा॒य॒त इति॑ मे॒घ – य॒ते ।
 स्वा॒हा मे॒घि॒ताय॒ । मे॒घि॒ताय॒ स्वा॒हा । स्वा॒हा मे॒घा॒य॒ । मे॒घा॒य॒ स्वा॒हा ॥

स्वाहा॑ नी॒हा॒राय॑ । नी॒हा॒राय॑ स्वाहा॑ । स्वाहा॑ नि॒हा॒कायै॑ । नि॒हा॒कायै॑
 स्वाहा॑ । नि॒हा॒काया॑ इति॑ नि - हा॒कायै॑ । स्वाहा॑ प्रा॒स॒चाय॑ ।
 प्रा॒स॒चाय॑ स्वाहा॑ । स्वाहा॑ प्र॒च॒ला॒कायै॑ । प्र॒च॒ला॒कायै॑ स्वाहा॑ ।
 प्र॒च॒ला॒काया॑ इति॑ प्र - च॒ला॒कायै॑ । स्वाहा॑ वि॒द्योति॑ष्यते ।
 वि॒द्योति॑ष्यते स्वाहा॑ । वि॒द्योति॑ष्यत इति॑ वि - द्योति॑ष्यते ।
 स्वाहा॑ वि॒द्योत॑मानाय । वि॒द्योत॑मानाय स्वाहा॑ । वि॒द्योत॑मानायेति॑
 वि - द्योत॑मानाय । स्वाहा॑ सम्॑वि॒द्योत॑मानाय । सम्॑वि॒द्योत॑मानाय
 स्वाहा॑ । सम्॑वि॒द्योत॑मानयेति॑ सम् - वि॒द्योत॑मानाय ।
 स्वाहा॑ स्त॒नयि॑ष्यते । स्त॒नयि॑ष्यते स्वाहा॑ । स्वाहा॑ स्त॒नय॑ते ।
 स्त॒नय॑ते स्वाहा॑ । स्वाहो॒ग्रम् । उ॒ग्रꣳ स्त॒नय॑ते । स्त॒नय॑ते स्वाहा॑ ।
 स्वाहा॑ वर्॒षि॑ष्यते । वर्॒षि॑ष्यते स्वाहा॑ । स्वाहा॑ वर्॒षते॑ । वर्॒षते॑
 स्वाहा॑ । स्वाहा॑ऽभि॒वर्॒षते॑ । अ॒भि॒वर्॒षते॑ स्वाहा॑ । अ॒भि॒वर्॒षत॑
 इत्य॑भि - वर्॒षते॑ । स्वाहा॑ परि॒वर्॒षते॑ । परि॒वर्॒षते॑ स्वाहा॑ ।
 परि॒वर्॒षत॑ इति॑ परि - वर्॒षते॑ । स्वाहा॑ सम्॑वर्॒षते॑ । सम्॑वर्॒षते॑
 स्वाहा॑ । सम्॑वर्॒षत॑ इति॑ सम् - वर्॒षते॑ । 33 (50/62)

TS 7.5.11.2 - Kramam

स्वाहाऽनुवर्षते । अनुवर्षते स्वाहा । अनुवर्षत इत्यनु-वर्षते ।
 स्वाहा शीकायिष्यते । शीकायिष्यते स्वाहा । स्वाहा शीकायते ।
 शीकायते स्वाहा । शीकायत इति शीक-यते । स्वाहा शीकिताय ।
 शीकिताय स्वाहा । स्वाहा प्रोषिष्यते । प्रोषिष्यते स्वाहा । स्वाहा
 पुष्णते । पुष्णते स्वाहा । स्वाहा परिपुष्णते । परिपुष्णते स्वाहा ।
 परिपुष्णत इति परि - पुष्णते । स्वाहोद्ग्रहीष्यते । उद्ग्रहीष्यते
 स्वाहा । उद्ग्रहीष्यत इत्युत् - ग्रहीष्यते । स्वाहोद्गृह्णते । उद्गृह्णते
 स्वाहा । उद्गृह्णत इत्युत् - गृह्णते । स्वाहोद्गृहीताय । उद्गृहीताय
 स्वाहा । उद्गृहीतायेत्युत् - गृहीताय । स्वाहा विप्लोष्यते ।
 विप्लोष्यते स्वाहा । विप्लोष्यत इति वि - प्लोष्यते ।
 स्वाहा विप्लवमानाय । विप्लवमानाय स्वाहा । विप्लवमानायेति
 वि - प्लवमानाय । स्वाहा विप्लुताय । विप्लुताय स्वाहा ।
 विप्लुतायेति वि - प्लुताय । स्वाहाऽऽतपस्यते । आतपस्यते स्वाहा ।
 आतपस्यत इत्या - तपस्यते । स्वाहाऽऽतपते । आतपते स्वाहा ।
 आतपत इत्या - तपते । स्वाहोग्रम् । उग्रमातपते । आतपते स्वाहा ।

आ॒त॒प॒त॒ इ॒त्या – त॒प॒ते । स्वा॒ह॒ग्भ्यः॑ । ऋ॒ग्भ्यः॑ स्वा॒हा । ऋ॒ग्भ्य
इ॒त्यृक् – भ्यः॑ । स्वा॒हा य॒जु॒र्भ्यः॑ । य॒जु॒र्भ्यः॑ स्वा॒हा । य॒जु॒र्भ्य इति॑
य॒जुः – भ्यः॑ । स्वा॒हा सा॒म॒भ्यः॑ । सा॒म॒भ्यः॑ स्वा॒हा । सा॒म॒भ्य इति॑
सा॒म – भ्यः॑ । स्वा॒हाऽङ्गि॒रो॒भ्यः॑ । अ॒ङ्गि॒रो॒भ्यः॑ स्वा॒हा ।
अ॒ङ्गि॒रो॒भ्य इत्य॑ङ्गि॒रः – भ्यः॑ । स्वा॒हा वे॒दे॒भ्यः॑ । वे॒दे॒भ्यः॑ स्वा॒हा ।
स्वा॒हा गा॒था॒भ्यः॑ । गा॒था॒भ्यः॑ स्वा॒हा । स्वा॒हा ना॒रा॒श॒स्त्री॒भ्यः॑ ।
ना॒रा॒श॒स्त्री॒भ्यः॑ स्वा॒हा । स्वा॒हा रै॒भी॒भ्यः॑ । रै॒भी॒भ्यः॑ स्वा॒हा () ।
स्वा॒हा स॒र्व॒स्मै । स॒र्व॒स्मै स्वा॒हा । स्वा॒हेति॑ स्वा॒हा ॥ 34 (52/68)

(सँव॑र॒ष॒ते – रै॒भी॒भ्यः॑ स्वा॒हा – द्वे च॑) (A11)

TS 7.5.12.1 - Kramam

द॒त्व॒ते स्वा॒हा । स्वा॒हाऽद॒न्त॒का॒य । अ॒द॒न्त॒का॒य स्वा॒हा ।
स्वा॒हा प्रा॒णि॒ने । प्रा॒णि॒ने स्वा॒हा । स्वा॒हाऽप्रा॒णाय॑ । अ॒प्रा॒णाय॑ स्वा॒हा ।
स्वा॒हा मु॒ख॒व॒ते । मु॒ख॒व॒ते स्वा॒हा । मु॒ख॒व॒त इति॑ मु॒ख – व॒ते ।
स्वा॒हाऽमु॒खा॒य । अ॒मु॒खा॒य स्वा॒हा । स्वा॒हा ना॒सि॒क॒व॒ते । ना॒सि॒क॒व॒ते
स्वा॒हा । ना॒सि॒क॒व॒त इति॑ ना॒सि॒क – व॒ते । स्वा॒हाऽना॒सि॒का॒य ।
अ॒ना॒सि॒का॒य स्वा॒हा । स्वा॒हाऽक्ष॒ण्व॒ते । अ॒क्ष॒ण्व॒ते स्वा॒हा ।

अक्ष॒ण्व॒त इ॒त्यक्ष॒ण्-व॒ते ॥ स्वा॒हाऽन॒क्षि॒काय॑ । अ॒नक्षि॒काय॑ स्वा॒हा ॥
 स्वा॒हा क॒र्णि॒ने ॥ क॒र्णि॒ने स्वा॒हा ॥ स्वा॒हाऽक॒र्ण॒काय॑ । अ॒क॒र्ण॒काय॑
 स्वा॒हा ॥ स्वा॒हा शी॒र्ष॒ण्व॒ते ॥ शी॒र्ष॒ण्व॒ते स्वा॒हा ॥ शी॒र्ष॒ण्व॒त इति॑
 शी॒र्ष॒ण् - व॒ते ॥ स्वा॒हाऽशी॒र्ष॒काय॑ । अ॒शी॒र्ष॒काय॑ स्वा॒हा ॥
 स्वा॒हा प॒द्व॒ते ॥ प॒द्व॒ते स्वा॒हा ॥ प॒द्व॒त इति॑ प॒त् - व॒ते ॥
 स्वा॒हाऽपा॒द॒काय॑ । अ॒पा॒द॒काय॑ स्वा॒हा ॥ स्वा॒हा प्रा॒ण॒ते ॥ प्रा॒ण॒ते
 स्वा॒हा ॥ प्रा॒ण॒त इति॑ प्र - अ॒न॒ते ॥ स्वा॒हाऽप्रा॒ण॒ते ॥ अ॒प्रा॒ण॒ते स्वा॒हा ॥
 अ॒प्रा॒ण॒त इति॑ प्र - अ॒न॒ते ॥ स्वा॒हा व॒द॒ते ॥ व॒द॒ते स्वा॒हा ॥
 स्वा॒हाऽव॒द॒ते ॥ अ॒व॒द॒ते स्वा॒हा ॥ स्वा॒हा प॒श्य॒ते ॥ प॒श्य॒ते स्वा॒हा ॥
 स्वा॒हाऽप॒श्य॒ते ॥ अ॒प॒श्य॒ते स्वा॒हा ॥ स्वा॒हा शृ॒ण्व॒ते ॥ शृ॒ण्व॒ते स्वा॒हा ॥
 स्वा॒हाऽशृ॒ण्व॒ते ॥ अ॒शृ॒ण्व॒ते स्वा॒हा ॥ स्वा॒हा म॒न॒स्वि॒ने ॥
 म॒न॒स्वि॒ने स्वा॒हा ॥ स्वा॒हाऽम॒न॒से ॥ 35 (50/57)

TS 7.5.12.2 - Kramam

अ॒म॒न॒से स्वा॒हा ॥ स्वा॒हा रे॒त॒स्वि॒ने ॥ रे॒त॒स्वि॒ने स्वा॒हा ॥
 स्वा॒हाऽरे॒त॒स्काय॑ । अ॒रे॒त॒स्काय॑ स्वा॒हा ॥ अ॒रे॒त॒स्काये॒त्य॒रे॒तः - का॒य ॥
 स्वा॒हा प्र॒जा॒भ्यः ॥ प्र॒जा॒भ्यः स्वा॒हा ॥ प्र॒जा॒भ्य इति॑ प्र - जा॒भ्यः ॥

स्वाहा प्र॒जन॒नाय॑ । प्र॒जन॒नाय॑ स्वाहा । प्र॒जन॒नाये॑ति प्र – जन॒नाय॑ ।
 स्वाहा लो॒मव॑ते । लो॒मव॑ते स्वाहा । लो॒मव॑त इति लो॒म – व॑ते ।
 स्वाहाऽलो॒मका॑य । अ॒लो॒मका॑य स्वाहा । स्वाहा त्व॒चे ।
 त्व॒चे स्वाहा । स्वाहाऽत्व॒क्का॑य । अ॒त्व॒क्का॑य स्वाहा । स्वाहा च॒र्म॒ण्व॑ते ।
 च॒र्म॒ण्व॑ते स्वाहा । च॒र्म॒ण्व॑त इति च॒र्म॒ण्ण् – व॑ते । स्वाहाऽच॒र्मका॑य ।
 अ॒च॒र्मका॑य स्वाहा । स्वाहा लो॒हित॑व॒ते । लो॒हित॑व॒ते स्वाहा ।
 लो॒हित॑व॒त इति लो॒हित – व॑ते । स्वाहाऽलो॒हिता॑य । अ॒लो॒हिता॑य
 स्वाहा । स्वाहा मा॒ऽस॒न्व॑ते । मा॒ऽस॒न्व॑ते स्वाहा । मा॒ऽस॒न्व॑त इति
 मा॒ऽस॒न् – व॑ते । स्वाहाऽमा॒ऽसका॑य । अ॒मा॒ऽसका॑य स्वाहा ।
 स्वाहा स्ना॒व॒भ्यः॑ । स्ना॒व॒भ्यः॑ स्वाहा । स्ना॒व॒भ्य इति स्ना॒व – भ्यः॑ ।
 स्वाहाऽस्ना॒वका॑य । अ॒स्ना॒वका॑य स्वाहा । स्वाहाऽस्थ॒न्व॑ते ।
 अ॒स्थ॒न्व॑ते स्वाहा । अ॒स्थ॒न्व॑त इत्य॒स्थन् – व॑ते । स्वाहाऽन॒स्थिका॑य ।
 अ॒न॒स्थिका॑य स्वाहा । स्वाहा म॒ज्ज॒न्व॑ते । म॒ज्ज॒न्व॑ते स्वाहा ।
 म॒ज्ज॒न्व॑त इति म॒ज्जन् – व॑ते । स्वाहाऽम॒ज्जका॑य । अ॒म॒ज्जका॑य स्वाहा ।
 स्वाहाऽङ्गि॒ने॑ । अ॒ङ्गि॒ने॑ स्वाहा । स्वाहाऽन॒ङ्गा॑य । अ॒न॒ङ्गा॑य स्वाहा ।

स्वाहाऽऽत्मने॑ । आ॒त्मने॑ स्वाहा॑ । स्वाहाऽना॒त्मने॑ । अना॒त्मने॑ स्वाहा॑ () ।

स्वाहा॑ सर्व॑स्मै । सर्व॑स्मै स्वाहा॑ । स्वाहेति॑ स्वाहा॑ ॥ 36 (52/62)

(मन॒स्विने॑ स्वाहा – ऽना॒त्मने॑ स्वाहा – द्वे च॑) (A12)

TS 7.5.13.1 - Kramam

क॒स्त्वा । त्वा यु॒नक्ति॑ । यु॒नक्ति॑ सः । स त्वा । त्वा यु॒नक्तु॑ ।

यु॒नक्तु॑ विष्णुः॑ । विष्णु॑स्त्वा । त्वा यु॒नक्तु॑ । यु॒नक्त्व॑स्य ।

अ॒स्य य॒ज्ञस्य॑ । य॒ज्ञस्य॑र्द्ध्यै॑ । ऋ॒द्ध्यै॑ म॒ह्यम् । म॒ह्यं स॒न्नत्यै॑ ।

स॒न्नत्या॑ अ॒मुष्मै॑ । स॒न्नत्या॑ इति॑ स॒म् – न॒त्यै । अ॒मुष्मै॑ का॒माय॑ ।

का॒माया॑यु॒षे । आ॒युषे॑ त्वा । त्वा प्रा॒णाय॑ । प्रा॒णाय॑ त्वा । प्रा॒णायेति॑

प्र – अ॒नाय॑ । त्वाऽपा॒नाय॑ । अ॒पा॒नाय॑ त्वा । अ॒पा॒नायेत्य॑प – अ॒नाय॑ ।

त्वा व्या॒नाय॑ । व्या॒नाय॑ त्वा । व्या॒नायेति॑ वि – अ॒नाय॑ । त्वा व्यु॒ष्ट्यै॑ ।

व्यु॒ष्ट्यै॑ त्वा । व्यु॒ष्ट्या॑ इति॑ वि – उ॒ष्ट्यै॑ । त्वा र॒य्यै॑ । र॒य्यै॑ त्वा ।

त्वा रा॒धसे॑ । रा॒धसे॑ त्वा । त्वा घो॒षाय॑ । घो॒षाय॑ त्वा । त्वा पो॒षाय॑ ।

पो॒षाय॑ त्वा । त्वाऽऽरा॒द्घो॒षाय॑ । आ॒रा॒द्घो॒षाय॑ त्वा ।

आ॒रा॒द्घो॒षायेत्या॑रात् – घो॒षाय॑ । त्वा प्र॒च्युत्यै॑ । प्र॒च्युत्यै॑ त्वा ।

प्र॒च्यु॒त्या इति॒ प्र – च्यु॒त्यै । त्वेति॒ त्वा ॥ 37 (38/45)

(क॒स्त्वा – ष्ठा॒त्रिं॒शत्) (A13)

TS 7.5.14.1 - Kramam

अ॒ग्नये॒ गाय॒त्राय॑ । गाय॒त्राय॑ त्रि॒वृते॑ ॥ त्रि॒वृते॑ रा॒थन्त॑राय । त्रि॒वृत् इति॑
 त्रि – वृ॒ते ॥ रा॒थन्त॑राय वा॒सन्ता॑य । रा॒थन्त॑रायेति॒ रा॒थम् – त॒राय॑ ।
 वा॒सन्ता॑या॒ष्टाक॑पालः । अ॒ष्टाक॑पाल इन्द्रा॒य । अ॒ष्टाक॑पाल
 इत्य॒ष्टा – क॒पालः । इन्द्रा॒य त्रैष्टु॑भाय । त्रैष्टु॑भाय पञ्च॒दशा॑य ।
 पञ्च॒दशा॑य बा॒र्हता॑य । पञ्च॒दशा॑येति॒ पञ्च – द॒शा॑य । बा॒र्हता॑य
 ग्रैष्मा॑य । ग्रैष्मा॒यैका॑दशकपालः । ए॒काद॑शकपालो वि॒श्वेभ्यः॑ ॥
 ए॒काद॑शकपाल इत्ये॒काद॑श – क॒पालः । वि॒श्वेभ्यो॑ दे॒वेभ्यः॑ । दे॒वेभ्यो॑
 जा॒गते॑भ्यः । जा॒गते॑भ्यः स॒प्तद॑शेभ्यः । स॒प्तद॑शेभ्यो वै॒रूपे॑भ्यः ।
 स॒प्तद॑शेभ्य इति॒ स॒प्त – द॑शेभ्यः । वै॒रूपे॑भ्यो वा॒र्षिके॑भ्यः ।
 वा॒र्षिके॑भ्यो द्वा॒दश॑कपालः । द्वा॒दश॑कपालो मि॒त्राव॑रुणाभ्याम् ।
 द्वा॒दश॑कपाल इति॒ द्वा॒दश – क॒पालः । मि॒त्राव॑रुणाभ्या॒मानु॑ष्टुभाभ्याम् ।
 मि॒त्राव॑रुणाभ्यामिति॒ मि॒त्रा – व॑रुणाभ्याम् ।
 आ॒नुष्टु॑भाभ्यामे॒कविं॒शाभ्या॑म् ॥ आ॒नुष्टु॑भाभ्या॒मित्या॑नु॒स्तु॒भाभ्या॑म् ।

एक॒वि॒ं॒शा॒भ्याम्॑ ॥ वै॒रा॒जा॒भ्याम्॑ । एक॒वि॒ं॒शा॒भ्यामि॒त्येक॑-वि॒ं॒शा॒भ्याम्॑ ।
 वै॒रा॒जा॒भ्यां॑ ॥ शा॒रदा॒भ्याम्॑ । शा॒रदा॒भ्याम्॑ प॒यस्या॑ ।
 प॒यस्या॑ बृ॒हस्प॑तये । बृ॒हस्प॑तये पा॒ङ्क्ताय॑ । पा॒ङ्क्ताय॑ त्रि॒णवा॑य ।
 त्रि॒णवा॑य शा॒क्वरा॑य । त्रि॒णवा॑येति त्रि - न॒वाय॑ ।
 शा॒क्वरा॑य है॒मन्ति॑काय । है॒मन्ति॑काय च॒रुः । च॒रुः स॒वित्रे॑ ।
 स॒वित्रे॑ आ॒तिच्छ॑न्दसाय । आ॒तिच्छ॑न्दसाय त्रय॒स्त्रि॒ं॒शाय॑ ।
 आ॒तिच्छ॑न्दसायेत्या॒ति - छ॑न्दसाय । त्रय॒स्त्रि॒ं॒शाय॑ रै॒वता॑य ।
 त्रय॒स्त्रि॒ं॒शाय॑येति त्रयः - त्रि॒ं॒शाय॑ । रै॒वता॑य शै॒शिरा॑य ।
 शै॒शिरा॑य द्वा॒दश॑कपालः । द्वा॒दश॑कपालोऽदि॒त्यै । द्वा॒दश॑कपाल इति
 द्वा॒दश - क॒पालः । अदि॒त्यै वि॒ष्णुप॑त्यै । वि॒ष्णुप॑त्यै च॒रुः ।
 वि॒ष्णुप॑त्या इति वि॒ष्णु - प॑त्यै । च॒रुर॑ग्नये । अ॒ग्नये॑ वै॒श्वान॑राय ।
 वै॒श्वान॑राय द्वा॒दश॑कपालः । द्वा॒दश॑कपालोऽनु॒मत्यै॑ । द्वा॒दश॑कपाल इति
 द्वा॒दश - क॒पालः । अनु॒मत्यै॑ च॒रुः । अनु॒मत्या॑ इत्यनु - म॒त्यै ।
 च॒रुः का॒यः । का॒य एक॑कपालः । एक॑कपाल इत्येक - क॒पालः ॥
 38 (47/64) (अ॒ग्नये॑ऽदि॒त्या अनु॒मत्यै॑-स॒प्तच॑त्वारि॒ं॒शत्) (A14)

TS 7.5.15.1 - Kramam

यो वै । वा अ॒ग्नौ । अ॒ग्न॒वा॒ग्निः । अ॒ग्निः प्र॑ह्रियते॑ । प्र॒ह्रिय॑ते यः ।
 प्र॒ह्रिय॑त इति॑ प्र – ह्रिय॑ते॑ । यश्च॑ । च॒ सोमः॑ । सोमो॑ राजा॑ ।
 राजा॑ तयोः॑ । तयो॑रेषः । ए॒ष आ॑तिथ्यम् । आ॒ति॒थ्यम् य॑त् ।
 यद॑ग्नीषोमीयः॑ । अ॒ग्नी॒षो॒मीयो॑ऽथ । अ॒ग्नी॒षो॒मीय॑
 इत्य॑ग्नी – सो॒मीयः॑ । अथै॒षः । ए॒ष रु॒द्रः । रु॒द्रो यः॑ । यश्ची॑यते॑ ।
 ची॒य॒ते यत् । यथ् स॑ज्चिते । स॒ज्चिते॑ऽग्नौ । स॒ज्चित॑ इति॑
 सम् – चि॒ते । अ॒ग्न॒वा॒वे॒ता॒नि । ए॒ता॒नि ह॒वी॒र्षि॑ । ह॒वी॒र्षि॑ न ।
 न निर्व॑पेत् । निर्व॑पेदेषः । निर्व॑पेदिति॑ निः – व॑पेत् । ए॒ष ए॒व ।
 ए॒व रु॒द्रः । रु॒द्रोऽशान्तः॑ । अ॒शान्त॑ उ॒पो॒त्थाय॑ । उ॒पो॒त्थाय॑ प्र॒जाम् ।
 उ॒पो॒त्थाये॑त्युप – उ॒त्थाय॑ । प्र॒जाम् प॒शून् । प्र॒जा॒मि॒ति प्र – जा॑म् ।
 प॒शून् यज॑मानस्य । यज॑मानस्या॒भि । अ॒भि म॑न्येत । म॒न्येत॑ यत् ।
 यथ् स॑ज्चिते । स॒ज्चिते॑ऽग्नौ । स॒ज्चित॑ इति॑ सम् – चि॒ते ।
 अ॒ग्न॒वा॒वे॒ता॒नि । ए॒ता॒नि ह॒वी॒र्षि॑ । ह॒वी॒र्षि॑ निर्व॑पति ।
 निर्व॑पति भा॒ग॒धे॒येन॑ । निर्व॑पतीति॑ निः – व॑पति । भा॒ग॒धे॒येनै॒व ।
 भा॒ग॒धे॒येने॒ति भा॒ग – धे॒येन॑ । ए॒वैन॑म् । ए॒न॒र् श॒म॒य॒ति ।

श॒म॒य॒ति॒ न॒ । ना॒स्य॒ । अ॒स्य॒ रु॒द्रः॑ । रु॒द्रोऽ॒शान्तः॑ ।

अ॒शान्त॑ उ॒पो॒त्थाय॑ । 39 (50/59)

TS 7.5.15.2 - Kramam

उ॒पो॒त्थाय॑ प्र॒जाम् । उ॒पो॒त्थाये॑त्यु॒प – उ॒त्थाय॑ । प्र॒जाम् प॒शून् ।
 प्र॒जामि॑ति प्र – जा॒म् । प॒शून्भि॑ । अ॒भि म॑न्यते । म॒न्यते॑ द॒श ।
 द॒श ह॒वी॒षि॑ । ह॒वी॒षि॑ भव॒न्ति । भव॒न्ति॑ न॒व । न॒व वै । वै पु॒रुषे॑ ।
 पु॒रुषे॑ प्रा॒णाः । प्रा॒णा ना॑भिः । प्रा॒णा इति॑ प्र-अ॒नाः । ना॒भिर् द॒शमी॑ ।
 द॒शमी॑ प्रा॒णान् । प्रा॒णाने॒व । प्रा॒णानि॑ति प्र – अ॒नान् । ए॒व यज॑माने ।
 यज॑माने दधाति । द॒धात्य॑थो॑ । अथो द॒शाक्ष॑रा । अथो इत्य॑थो॑ ।
 द॒शाक्ष॑रा वि॒राट् । द॒शाक्ष॑रेति॒ दश॑ – अ॒क्षरा॑ । वि॒राड॒न्नम् । वि॒राडि॑ति॒
 वि – राट् । अ॒न्नम् वि॒राट् । वि॒राड् वि॒राजि॑ । वि॒राडि॑ति वि – राट् ।
 वि॒राज्ये॒व । वि॒राजी॑ति वि – राजि॑ । ए॒वान्नाद्यै॑ । अ॒न्नाद्ये॑ प्रति॑ ।
 अ॒न्नाद्य॑ इत्य॒न्न – अद्यै॑ । प्रति॑ तिष्ठति । तिष्ठ॑त्यृ॒तुभिः॑ । ऋ॒तुभिर् वै ।
 ऋ॒तुभि॑रित्यृ॒तु-भिः॑ । वा ए॒षः । ए॒ष छ॑न्दोभिः । छ॑न्दोभिः स्तोमैः॑ ।
 छ॑न्दोभि॑रिति॒ छन्दः॑ – भिः॑ । स्तोमैः॑ पृ॒ष्ठैः । पृ॒ष्ठैश्चे॑त॒व्यः॑ ।

चे॒त॒व्य॑ इति॑ । इ॒त्याहुः॑ । आ॒हुर् यत् । यदे॒तानि॑ । ए॒तानि॑ ह॒वी॒षि॑ ।
ह॒वी॒षि॑ निर्व॑पति । निर्व॑पत्य॒तुभिः॑ । निर्व॑पतीति॑ निः – व॑पति ।
ऋ॒तुभि॑रेव । ऋ॒तुभि॑रित्य॒तु – भिः॑ । ए॒वैन॑म् । ए॒नम् छ॑न्दोभिः ।
छ॒न्दोभिः॑ स्तोमैः॑ । छ॒न्दोभि॑रिति॑ छ॒न्दः – भिः॑ । स्तोमैः॑ पृ॒ष्ठैः ।
पृ॒ष्ठैश्चि॑नुते । चि॒नुते दि॑शः । दि॑शः सुषु॒वाणे॑न () ।

सुषु॒वाणे॑नाभिजित्याः॑ । 40 (50/65)

TS 7.5.15.3 - Kramam

अ॒भिजि॑त्या इति॑ । अ॒भिजि॑त्या इत्य॒भि – जि॑त्याः । इ॒त्याहुः॑ ।
आ॒हुर् यत् । यदे॒तानि॑ । ए॒तानि॑ ह॒वी॒षि॑ । ह॒वी॒षि॑ निर्व॑पति ।
निर्व॑पति दि॒शाम् । निर्व॑पतीति॑ निः – व॑पति । दि॒शाम॑भिजित्यै ।
अ॒भिजि॑त्या ए॒तया॑ । अ॒भिजि॑त्या इत्य॒भि – जि॑त्यै । ए॒तया॑ वै ।
वा इ॒न्द्रम् । इ॒न्द्रम् दे॒वाः । दे॒वा अ॑याजयन् । अ॑याजयन् तस्मात् ।
तस्मा॑दिन्द्र॒सवः॑ । इ॒न्द्रस॑व ए॒तया॑ । इ॒न्द्रस॑व इतीन्द्र – स॒वः ।
ए॒तया॑ म॒नुम् । म॒नुम् म॒नुष्याः॑ । म॒नुष्या॑स्तस्मात् । तस्मा॑न्
म॒नुस॑वः । म॒नुस॑वो यथा । म॒नुस॑व इति॑ म॒नु – स॒वः । यथे॑न्द्रः ।
इ॒न्द्रो दे॒वानाम् । दे॒वानाम् यथा॑ । यथा॑ म॒नुः । म॒नुर् म॒नुष्या॑णाम् ।

म॒नु॒ष्या॒णामे॒वम् । ए॒वम् भ॒वति॑ । भ॒वति॑ यः । य ए॒वम् । ए॒वम्
 वि॒द्वान् । वि॒द्वाने॒तया॑ ॥ ए॒तये॒ष्ट्या॑ ॥ इ॒ष्ट्या॑ य॒जते॑ । य॒जते॑ दि॒ग्वतीः॑ ।
 दि॒ग्वतीः॑ पु॒रोनु॒वाक्याः॑ । दि॒ग्वती॒रिति॑ दिक् – व॒तीः । पु॒रोनु॒वाक्या॑
 भ॒वन्ति॑ । पु॒रोनु॒वाक्या॑ इति॑ पु॒रः-अ॒नुवा॒क्याः । भ॒वन्ति॑ सर्वा॒साम् ।
 सर्वा॒साम् दि॒शाम् । दि॒शाम॒भिजि॑त्यै । अ॒भिजि॑त्या इ॒त्यभि॑-जि॒त्यै ॥

41 (41/48) (अ॒शान्तः॑ – सु॒षुवा॒णेनै॑ – क॒चत्वा॒रि॒ञ्च॑) (A15)

TS 7.5.16.1 - Kramam

यः प्रा॒णतः॑ । प्रा॒णतो॑ नि॒मिष॑तः । प्रा॒णत॑ इति॑ प्र – अ॒नतः॑ ।
 नि॒मिष॑तो म॒हित्वा॑ । नि॒मिष॑त इति॑ नि – मि॒षतः॑ । म॒हित्वैकः॑ ।
 म॒हित्वेति॑ म॒हि – त्वा॑ । ए॒क इत् । इ॒द् रा॒जा । रा॒जा ज॒गतः॑ ।
 ज॒गतो॑ ब॒भूव॑ । ब॒भूवेति॑ ब॒भूव॑ ॥ य ई॒शौ । ई॒शौ अ॒स्य । अ॒स्य
 द्वि॒पदः॑ । द्वि॒पदश्च॑तु॒ष्पदः॑ । द्वि॒पद॑ इति॑ द्वि – प॒दः । च॒तुष्प॑दः क॒स्मै ॥
 च॒तुष्प॑द इति॑ च॒तुः – प॒दः । क॒स्मै दे॒वाय॑ । दे॒वाय॑ ह॒विषा॑ । ह॒विषा॑
 वि॒धेम॑ । वि॒धेमेति॑ वि॒धेम॑ ॥ उ॒पया॒मगृ॑हीतो॒ऽसि॑ । उ॒पया॒मगृ॑हीत
 इ॒त्युप॑या॒म – गृ॑हीतः । अ॒सि प्र॒जाप॑तये । प्र॒जाप॑तये त्वा ।
 प्र॒जाप॑तय इति॑ प्र॒जा – प॑तये । त्वा जु॒ष्टम् । जु॒ष्टम् गृ॑ह्णामि ।

गृ॒ह्णामि॑ तस्य॑ । तस्य॑ ते । ते॒ द्यौः । द्यौर् महि॑मा । महि॑मा नक्ष॒त्राणि॑ ।
नक्ष॒त्राणि॑ रू॒पम् । रू॒पमादि॑त्यः । आदि॑त्यस्ते॒ । ते तेजः॑ । तेज॒स्तस्मै॑ ॥
तस्मै॑ त्वा । त्वा महि॑म्ने । महि॑म्ने प्रजा॒पतये॑ । प्रजा॒पतये॑ स्वाहा॑ ।
प्रजा॒पतय॑ इति॒ प्रजा – पतये॑ । स्वाहेति॒ स्वाहा॑ ॥ 42 (38/46)

(यः प्रा॑णतो द्यौ॑रादि॒त्या – ऽष्टा॑त्रिं॒शत्) (A16)

TS 7.5.17.1 - Kramam

य आ॒त्मदाः॑ । आ॒त्मदा॑ बल॒दाः । आ॒त्मदा॑ इत्या॒त्म – दाः॑ । बल॒दा
यस्य॑ । बल॒दा इति॑ बल – दाः॑ । यस्य॑ विश्वे॑ । विश्व॑ उपा॒सते॑ ।
उपा॒सते॑ प्रशि॒षम् । उपा॒सत॑ इत्युप – आ॒सते॑ । प्रशि॒षम् यस्य॑ ।
प्रशि॒षमिति॑ प्र – शि॒षम् । यस्य॑ दे॒वाः । दे॒वा इति॑ दे॒वाः ॥ यस्य॑
छा॒या । छा॒याऽमृत॑म् । अ॒मृत॑म् यस्य॑ । यस्य॑ मृ॒त्युः । मृ॒त्युः कस्मै॑ ॥
कस्मै॑ दे॒वाय॑ । दे॒वाय॑ ह॒विषा॑ । ह॒विषा॑ वि॒धेम॑ । वि॒धेमेति॑ वि॒धेम॑ ॥
उप॒याम॑गृहीतो॒ऽसि॑ । उप॒याम॑गृहीत॒ इत्युप॑याम – गृही॒तः ।
अ॒सि प्रजा॒पतये॑ । प्रजा॒पतये॑ त्वा । प्रजा॒पतय॑ इति॒ प्रजा – पतये॑ ।
त्वा जुष्ट॑म् । जुष्ट॑म् गृ॒ह्णामि॑ । गृ॒ह्णामि॑ तस्य॑ । तस्य॑ ते । ते पृ॒थि॒वी ।
पृ॒थि॒वी महि॑मा । महि॑मौष॒धयः॑ । ओष॒धयो॑ वन॒स्पतयः॑ ।

वन॑स्पत॒यो रू॒पम् । रू॒पम॒ग्निः । अ॒ग्निस्ते॑ ॥ ते तेजः॑ । तेज॒स्तस्मै॑ ॥
तस्मै॑ त्वा । त्वा म॒हि॒म्ने । म॒हि॒म्ने प्र॒जाप॑तये । प्र॒जाप॑तये स्वाहा ॥
प्र॒जाप॑तय इति प्र॒जा – प॒तये॑ । स्वाहेति स्वाहा ॥ 43 (39/46)

(य आ॒त्म॒दाः पृ॒थि॒व्य॒ग्नि – रे॒का॒न्न च॒त्वा॒रि॒शत्) (A17)

TS 7.5.18.1 - Kramam

आ ब्र॒ह्मन् । ब्र॒ह्मन् ब्रा॒ह्मणः॑ । ब्रा॒ह्म॒णो ब्र॒ह्मव॑र्चसी । ब्र॒ह्मव॑र्चसी
जा॒यता॑म् । ब्र॒ह्मव॑र्चसीति ब्र॒ह्म – व॑र्चसी । जा॒यता॑मा । आ॒ऽस्मिन् ।
अ॒स्मिन् रा॒ष्ट्रे । रा॒ष्ट्रे रा॒ज॒न्यः । रा॒ज॒न्य इ॒षव्यः॑ । इ॒षव्यः॑ शू॒रः ।
शू॒रो म॒हा॒रथः॑ । म॒हा॒रथो जा॒यता॑म् । म॒हा॒रथ इति॑ म॒हा – र॒थः ।
जा॒यता॑म् दो॒ग्ध्री॑ । दो॒ग्ध्री धे॒नुः । धे॒नूर् वो॒ढा । वो॒ढाऽन॑ड्वान् ।
अ॒न॒ड्वाना॑शुः । आ॒शुः स॒प्तिः । स॒प्तिः पु॒रन्धिः॑ । पु॒रन्धि॑र् योषा॑ ॥
योषा॑ जि॒ष्णुः । जि॒ष्णू र॒थे॒ष्ठाः । र॒थे॒ष्ठाः स॒भेयः॑ । र॒थे॒ष्ठा इति॑
र॒थे – स्थाः॑ । स॒भेयो॑ यु॒वा । यु॒वा । आ॒ऽस्य । अ॒स्य य॑ज॒मान॑स्य ।
य॑ज॒मान॑स्य वी॒रः । वी॒रो जा॒यता॑म् । जा॒यता॑म् नि॒कामे॑नि॒कामे॑ ।
नि॒कामे॑नि॒कामे॑ नः । नि॒कामे॑नि॒काम॑ इति॑ नि॒कामे॑ – नि॒कामे॑ ।
नः प॒र्जन्यः॑ । प॒र्जन्यो॑ व॒र्षतु॑ । व॒र्षतु॑ फ॒लि॒न्यः । फ॒लि॒न्यो नः॑ ।

न॒ ओष॑धयः । ओष॑धयः प॒च्यन्ता॑म् । प॒च्यन्ता॑म् यो॒गक्षे॑मः ।
 यो॒गक्षे॑मो नः । यो॒गक्षे॑म इति॑ योग – क्षे॒म । नः क॒ल्पता॑म् ।
 क॒ल्पता॑मिति॑ कल्पताम् ॥ 44 (41/46)

(आ ब्र॒ह्म – त्रेक॑चत्वारि॒ंशत्) (A18)

TS 7.5.19.1 - Kramam

आ॒ऽक्रान् । अ॒क्रान् वा॒जी । वा॒जी पृ॒थि॒वीम् । पृ॒थि॒वीम॒ग्निम् ।
 अ॒ग्निम् यु॒जम् । यु॒जम॒कृत॑ । अ॒कृत॑ वा॒जी । वा॒ज्यर्वा॑ । अ॒र्वा ।
 आ॒ऽक्रान् । अ॒क्रान् वा॒जी । वा॒ज्यन्त॑रि॒क्षम् । अ॒न्त॑रि॒क्षम् वा॒युम् ।
 वा॒युम् यु॒जम् । यु॒जम॒कृत॑ । अ॒कृत॑ वा॒जी । वा॒ज्यर्वा॑ । अ॒र्वा द्या॑म् ।
 द्या॑म् वा॒जी । वा॒ज्या । आ॒ऽक्र॒॒स्त । अ॒क्र॒॒स्त सूर्य॑म् । सूर्य॑म्
 यु॒जम् । यु॒जम॒कृत॑ । अ॒कृत॑ वा॒जी । वा॒ज्यर्वा॑ । अ॒र्वा अ॒ग्निः ।
 अ॒ग्निस्ते॑ । ते वा॒जिन् । वा॒जिन् यु॒ङ्ङ् । यु॒ङ्ङन् । अनु॑ त्वा । त्वा ।
 आ र॒भे । र॒भे स्व॑स्ति । स्व॑स्ति मा॒ । मा॒ सम् । सम् पा॑रय ।
 पा॑रय वा॒युः । वा॒युस्ते॑ । ते वा॒जिन् । वा॒जिन् यु॒ङ्ङ् । यु॒ङ्ङन् ।
 अनु॑ त्वा । त्वा । आ र॒भे । र॒भे स्व॑स्ति । स्व॑स्ति मा॒ । मा॒ सम् ।
 सम् पा॑रय । 45 (50/50)

TS 7.5.19.2 - Kramam

पार॒यादि॒त्यः । आ॒दि॒त्यस्ते॑ ॥ ते वा॒जिन् । वा॒जिन् यु॒ङ्ङ् । यु॒ङ्ङन् ।
 अनु॑ त्वा । त्वा । आ र॒भे । र॒भे स्व॒स्ति । स्व॒स्ति मा॑ ॥ मा॒ सम् ।
 सम् पार॒य । पार॒य प्रा॒णधृ॑क् । प्रा॒णधृ॑ग॒सि । प्रा॒णधृ॑गि॒ति
 प्रा॒ण – धृ॑क् । अ॒सि प्रा॒णम् । प्रा॒णम् मे॑ ॥ प्रा॒णमि॑ति प्र – अ॒नम् ।
 मे दृ॒ह । दृ॒ह व्या॒नधृ॑क् । व्या॒नधृ॑ग॒सि । व्या॒नधृ॑गि॒ति
 व्या॒न – धृ॑क् । अ॒सि व्या॒नम् । व्या॒नम् मे॑ ॥ व्या॒नमि॑ति वि – अ॒नम् ।
 मे दृ॒ह । दृ॒हापान॑धृ॒क् । अपान॑धृ॒गसि॑ ।
 अपान॑धृ॒गित्य॑पान – धृ॒क् । अ॒स्यपान॑म् । अपान॑म् मे॑ ॥
 अपान॑मित्यप – अ॒नम् । मे दृ॒ह । दृ॒ह चक्षुः॑ । चक्षु॑र॒सि ।
 अ॒सि चक्षुः॑ । चक्षु॑र् मयि॑ । मयि॑ धेहि॑ । धेहि॑ श्रोत्र॑म् । श्रोत्र॑म॒सि ।
 अ॒सि श्रोत्र॑म् । श्रोत्र॑म् मयि॑ । मयि॑ धेहि॑ । धे॒ह्यायुः॑ । आयु॑र॒सि ।
 अ॒स्यायुः॑ । आयु॑र् मयि॑ । मयि॑ धेहि॑ । धे॒हीति॑ धेहि॑ ॥ 46 (43/49)
 (वा॒युस्ते॑ वा॒जिन् यु॒ङ्ङन् त्वा ॥ र॒भे स्व॒स्ति मा॑ सम् –
 त्रिच॑त्वारि॒ंशच्च॑) (A19)

TS 7.5.20.1 - Kramam

ज॒ज्ञि॑ बी॒जम् । बी॒जम् व॑र्ष्ठा । व॒र्ष्ठा प॒र्जन्यः॑ । प॒र्जन्यः॑ प॒क्ता । प॒क्ता
स॒स्यम् । स॒स्यं सु॒पिप्प॒लाः । सु॒पिप्प॒ला ओष॑धयः । सु॒पिप्प॒ला
इति॑ सु - पि॒प्प॒लाः । ओष॑धयः स्व॒धिच॒रणा । स्व॒धिच॒रणेय॑म् ।
स्व॒धिच॒रणेति॑ सु - अ॒धिच॒रणा । इ॒यं सू॒पस॒दनः॑ ।
सू॒पस॒दनो॑ऽग्निः । सू॒पस॒दन इति॑ सु - उ॒पस॒दनः॑ ।
अ॒ग्निः स्व॒द्ध्यक्ष॑म् । स्व॒द्ध्यक्ष॑मन्तरि॒क्षम् । स्व॒द्ध्यक्ष॑मिति॑
सु - अ॒द्ध्यक्ष॑म् । अन्तरि॒क्षं सु॒पावः॑ । सु॒पावः॑ प॒वमानः॑ ।
सु॒पाव इति॑ सु - पा॒वः । प॒वमानः॑ सू॒पस्था॒ना । सू॒पस्था॒ना द्यौः॑ ।
सू॒पस्था॒नेति॑ सु - उ॒पस्था॒ना । द्यौः॑ शि॒वम् । शि॒वम॒सौ ।
अ॒सौ तप॑न् । तप॑न् यथा॒पूर्व॑म् । यथा॒पूर्व॑महो॒रात्रे॑ । यथा॒पूर्व॑मिति॑
यथा - पूर्॒वम् । अ॒होरा॒त्रे पञ्च॑द॒शिनः॑ । अ॒होरा॒त्रे इत्य॑हः - रा॒त्रे ।
पञ्च॑द॒शिनो॑ऽर्द्धमा॒साः । पञ्च॑द॒शिन इति॑ पञ्च - द॒शिनः॑ ।
अ॒र्द्धमा॒सास्त्रि॑ंशिनः । अ॒र्द्धमा॒सा इत्य॑र्द्ध - मा॒साः ।
त्रि॑ंशिनो॒ मासाः॑ । मा॒साः क्लृ॑प्ताः । क्लृ॑प्ता ऋ॒तवः॑ ।

ऋ॒तवः॑ शान्तः॑ । शान्तः॑ सम्॑व॒त्स॒रः ।

सम्॑व॒त्स॒र इति॑ सम् – व॒त्स॒रः ॥ 47 (31/41)

(ज॒ज्ञि बीज॑ – मे॒क॒त्रि॒ंशत्) (A20)

TS 7.5.21.1 - Kramam

आ॒ग्ने॒योऽष्टा॑क॒पालः॑ । अ॒ष्टाक॑पालः सौ॒म्यः॑ ।

अ॒ष्टाक॑पाल इत्य॑ष्टा – क॒पालः॑ । सौ॒म्यश्च॑रुः । च॒रुः सा॑वि॒त्रः ।

सा॒वि॒त्रोऽष्टा॑क॒पालः॑ । अ॒ष्टाक॑पालः पौ॒ष्णः॑ । अ॒ष्टाक॑पाल

इत्य॑ष्टा – क॒पालः॑ । पौ॒ष्णश्च॑रुः । च॒रु रौ॒द्रः । रौ॒द्रश्च॑रुः । च॒रु र॒ग्नये॑ ।

अ॒ग्नये॑ वै॒श्वान॑राय । वै॒श्वान॑राय द्वा॒दश॑क॒पालः॑ । द्वा॒दश॑क॒पालो

मृ॒गाख॑रे । द्वा॒दश॑क॒पाल इति॑ द्वा॒दश – क॒पालः॑ । मृ॒गाख॑रे यदि ।

मृ॒गाख॑र इति॑ मृ॒ग – आ॒खरे॑ । यदि न । ना॒गच्छे॑त् । आ॒गच्छे॑द्ग॒नये॑ ।

आ॒गच्छे॑दित्या॑-गच्छे॑त् । अ॒ग्नये॑ऽहो॒मुचै॑ । अ॒हो॒मुचे॑ऽष्टा॑क॒पालः॑ ।

अ॒हो॒मुच॑ इत्य॑हः – मुचै॑ । अ॒ष्टाक॑पालः सौ॒र्यम् ।

अ॒ष्टाक॑पाल इत्य॑ष्टा – क॒पालः॑ । सौ॒र्यम् प॑यः । प॒यो वा॑य॒व्यः॑ ।

वा॒य॒व्य आ॑ज्यभा॒गः । आ॑ज्यभा॒ग इत्या॑ज्य – भा॒गः ॥ 48 (24/31)

(आ॒ग्ने॒य – श्चतु॑र्वि॒ंशतिः॑) (A21)0

TS 7.5.22.1 - Kramam

अ॒ग्नयेऽ॒हो॒मु॒चे॑ । अ॒हो॒मु॒चेऽ॒ष्टा॒क॒पा॒लः॑ ।
 अ॒हो॒मु॒च॒ इत्य॒हः॑ – मु॒चे॑ । अ॒ष्टा॒क॒पा॒ल॒ इन्द्रा॑य । अ॒ष्टा॒क॒पा॒ल॒
 इत्य॒ष्टा – क॒पा॒लः॑ । इन्द्रा॑या॒हो॒मु॒चे॑ । अ॒हो॒मु॒च॒ एका॑दशकपालः ।
 अ॒हो॒मु॒च॒ इत्य॒हः॑ – मु॒चे॑ । एका॑दशकपालो मि॒त्राव॑रुणाभ्याम् ।
 एका॑दशकपाल इत्येका॑दश–क॒पा॒लः॑ । मि॒त्राव॑रुणाभ्यामा॒गोमु॒ग्भ्याम्॑ ।
 मि॒त्राव॑रुणाभ्यामि॒ति मि॒त्रा – व॑रुणाभ्याम् । आ॒गोमु॒ग्भ्याम्॑ प॒यस्या॑ ।
 आ॒गोमु॒ग्भ्यामि॒त्यागो॒मुक् – भ्याम्॑ । प॒यस्या॑ वा॒योसा॑वि॒त्रः ।
 वा॒योसा॑वि॒त्र आ॒गोमु॒ग्भ्याम्॑ । वा॒योसा॑वि॒त्र इति॑ वा॒यो – सा॑वि॒त्रः ।
 आ॒गोमु॒ग्भ्याम्॑ च॒रुः॑ । आ॒गोमु॒ग्भ्यामि॒त्यागो॒मुक् – भ्याम्॑ ।
 च॒रुर॑श्चि॒भ्याम्॑ । अ॒श्चि॒भ्यामा॒गोमु॒ग्भ्याम्॑ । अ॒श्चि॒भ्यामि॒त्यश्चि॒भ्याम्॑ ।
 आ॒गोमु॒ग्भ्याम्॑ धा॒नाः॑ । आ॒गोमु॒ग्भ्यामि॒त्यागो॒मुक् – भ्याम्॑ ।
 धा॒ना म॑रुद्भ्यः । म॑रुद्भ्य ए॒नोमु॒ग्भ्यः॑ । म॑रुद्भ्य इति॑ म॒रुत्–भ्यः॑ ।
 ए॒नोमु॒ग्भ्यः॑ स॒प्तक॑पालः । ए॒नोमु॒ग्भ्य इत्ये॒नोमु॒क् – भ्यः॑ ।
 स॒प्तक॑पालो वि॒श्वेभ्यः॑ । स॒प्तक॑पाल इति॑ स॒प्त – क॒पा॒लः॑ ।
 वि॒श्वेभ्यो॑ दे॒वेभ्यः॑ । दे॒वेभ्य ए॒नोमु॒ग्भ्यः॑ । ए॒नोमु॒ग्भ्यो॑ द्वा॒दश॑कपालः ।

ए॒नो॒मु॒ग्भ्य॒ इत्ये॒नो॒मुक् – भ्यः । द्वा॒द॒श॒क॒पा॒लोऽनु॒म॒त्यै । द्वा॒द॒श॒क॒पा॒ल
इति॒ द्वा॒द॒श – क॒पा॒लः । अनु॒म॒त्यै च॒रुः । अनु॒म॒त्या इत्यनु॒-म॒त्यै ।
च॒रु॒र॒ग्नये॑ ॥ अ॒ग्नये॑ वै॒श्वान॒राय॑ । वै॒श्वान॒राय॑ द्वा॒द॒श॒क॒पा॒लः ।
द्वा॒द॒श॒क॒पा॒लो द्या॒वापृ॒थि॒वी॒भ्याम् ॥ द्वा॒द॒श॒क॒पा॒ल इति॒
द्वा॒द॒श – क॒पा॒लः । द्या॒वापृ॒थि॒वी॒भ्याम् अ॒हो॒मु॒ग्भ्याम् ।
द्या॒वापृ॒थि॒वी॒भ्यामि॒ति द्या॒वा – पृ॒थि॒वी॒भ्याम् ॥ अ॒हो॒मु॒ग्भ्याम्
द्वि॒क॒पा॒लः । अ॒हो॒मु॒ग्भ्यामि॒त्यहो॒मुक् – भ्याम् ।
द्वि॒क॒पा॒ल इति॒ द्वि – क॒पा॒लः ॥ 49 (30/49)

(अ॒ग्नये॑ऽहो॒मुचै॑ – त्रि॒ंशत्) (A22)

TS 7.5.23.1 - Kramam

अ॒ग्नये॑ स॒म् । स॒म॒न॒म॒त् । अ॒न॒म॒त् पृ॒थि॒व्यै । पृ॒थि॒व्यै स॒म् ।
स॒म॒न॒म॒त् । अ॒न॒म॒द् यथा॑ ॥ यथा॑ऽग्निः । अ॒ग्निः पृ॒थि॒व्या ।
पृ॒थि॒व्या स॒म॒न॒म॒त् । स॒म॒न॒म॒दे॒वम् । स॒म॒न॒म॒दि॒ति स॒म् – अ॒न॒म॒त् ।
ए॒वम् म॒ह्यम् ॥ म॒ह्यम् भ॒द्राः । भ॒द्राः स॒न्न॒त॒यः । स॒न्न॒त॒यः स॒म् ।
स॒न्न॒त॒य इति॒ स॒म् – न॒त॒यः । स॒म् न॒म॒न्तु । न॒म॒न्तु वा॒यवे॑ ॥

वा॒यवे॑ सम् । सम॑नमत् । अ॒नम॑दन्तरि॒क्षाय॑ । अ॒न्तरि॑क्षाय॒ सम् ।
 सम॑नमत् । अ॒नम॑द् यथा॑ ॥ यथा॑ वा॒युः । वा॒युर॑न्तरि॒क्षेण॑ । अ॒न्तरि॑क्षेण॒
 सू॒र्याय॑ । सू॒र्याय॑ सम् । सम॑नमत् । अ॒नम॑द् दि॒वे । दि॒वे सम् ।
 सम॑नमत् । अ॒नम॑द् यथा॑ ॥ यथा॑ सू॒र्यः । सू॒र्यो दि॒वा । दि॒वा च॒न्द्रम॑से ।
 च॒न्द्रम॑से सम् । सम॑नमत् । अ॒नम॑न् नक्ष॑त्रेभ्यः । नक्ष॑त्रेभ्यः सम् ।
 सम॑नमत् । अ॒नम॑द् यथा॑ ॥ यथा॑ च॒न्द्रमाः॑ । च॒न्द्रमा॑ नक्ष॑त्रैः ।
 नक्ष॑त्रैर् वरु॑णाय । वरु॑णाय॒ सम् । सम॑नमत् । अ॒नम॑दद्भ्यः ।
 अ॒द्भ्यः सम् । अ॒द्भ्य इ॒त्यत् – भ्यः॑ । सम॑नमत् । अ॒नम॑द् यथा॑ ॥
 यथा॑ वरु॑णः । 50 (50/53)

TS 7.5.23.2 - Kramam

वरु॑णोऽद्भिः॑ । अ॒द्भिः साम्ने॑ । अ॒द्भिरि॒त्यत् – भिः॑ । साम्ने॑ सम् ।
 सम॑नमत् । अ॒नम॑दृ॒चे । ऋ॒चे सम् । सम॑नमत् । अ॒नम॑द् यथा॑ ॥
 यथा॑ साम् । सा॒मर्चा॑ । ऋ॒चा ब्र॑ह्मणे । ब्र॑ह्मणे॒ सम् । सम॑नमत् ।
 अ॒नम॑त् क्ष॒त्राय॑ । क्ष॒त्राय॑ सम् । सम॑नमत् । अ॒नम॑द् यथा॑ ॥
 यथा॑ ब्र॑ह्म । ब्र॑ह्म क्ष॒त्रेण॑ । क्ष॒त्रेण॑ रा॒ज्ञे । रा॒ज्ञे सम् । सम॑नमत् ।
 अ॒नम॑द् वि॒शे । वि॒शे सम् । सम॑नमत् । अ॒नम॑द् यथा॑ ॥ यथा॑ रा॒जा ॥

राजा॑ वि॒शा । वि॒शा रथा॑य । रथा॑य॒ सम् । सम॑नमत् । अ॒नम॑दश्चै॒भ्यः ।
 अश्चै॒भ्यः सम् । सम॑नमत् । अ॒नम॑द् यथा॑ । यथा॑ रथः । रथोऽश्चै॒ः ।
 अश्चै॒ः प्र॒जाप॑तये । प्र॒जाप॑तये॒ सम् । प्र॒जाप॑तय॒ इति॑ प्र॒जा – प॒तये॑ ।
 सम॑नमत् । अ॒नम॑द् भू॒तेभ्यः॑ । भू॒तेभ्यः॑ सम् । सम॑नमत् ।
 अ॒नम॑द् यथा॑ । यथा॑ प्र॒जाप॑तिः । प्र॒जाप॑तिर् भू॒तैः । प्र॒जाप॑तिरिति॑
 प्र॒जा – प॒तिः । भू॒तैः सम॑नमत् । सम॑नमदे॒वम् । सम॑नमदि॒ति
 सम्-अ॒नम॑त् । ए॒वम् म॒ह्यम् () । म॒ह्यम् भ॒द्राः । भ॒द्राः सन्न॑तयः ।
 सन्न॑तयः सम् । सन्न॑तय॒ इति॑ सम् – न॒तयः॑ । सम् नम॑न्तु ।
 नम॑न्त्विति॑ नम॑न्तु ॥ 51 (54/59)

(अ॒द्भ्यः॑ सम॑नमद्यथा॑ – म॒ह्यम् – च॒त्वारि॑ च) (A23)

TS 7.5.24.1 - Kramam

ये ते॑ । ते प॒न्थानः॑ । प॒न्थानः॑ स॒वितः॑ । स॒वितः॑ पू॒र्व्यासः॑ ।
 पू॒र्व्यासोऽरे॑णवः । अ॒रेण॑वो वि॒तताः॑ । वि॒तता॑ अ॒न्तरि॑क्षे । वि॒तता॑ इति॑
 वि – त॒ताः । अ॒न्तरि॑क्ष इत्य॒न्तरि॑क्षे ॥ तेभि॑र् नः । नो अ॒द्य ।
 अ॒द्य प॒थिभिः॑ । प॒थिभिः॑ सु॒गेभिः॑ । प॒थिभि॑रिति॑ प॒थि – भिः॑ ।

सु॒गे॒भी॒ रक्ष॑ । सु॒गे॒भि॒रिति॑ सु॒-गे॒भिः॑ । रक्षा॑ च । च॒ नः॑ । नो॒ अधि॑ ।
 अधि॑ च । च॒ दे॒व । दे॒व ब्रू॒हि । ब्रू॒हीति॑ ब्रू॒हि ॥ नमो॑ऽग्नये॑ ।
 अ॒ग्नये॑ पृ॒थि॒वि॒क्षिते॑ । पृ॒थि॒वि॒क्षिते॑ लो॒क॒स्पृते॑ । पृ॒थि॒वि॒क्षित॑ इति॑
 पृ॒थि॒वि - क्षिते॑ । लो॒क॒स्पृते॑ लो॒कम् । लो॒क॒स्पृत॑ इति॑
 लो॒क - स्पृते॑ । लो॒क॒म॒स्मै । अ॒स्मै यज॑मानाय । यज॑मानाय दे॒हि ।
 दे॒हि नमः॑ । नमो॑ वा॒यवे॑ । वा॒यवे॑ऽन्तरि॒क्ष॒क्षिते॑ । अ॒न्तरि॒क्ष॒क्षिते॑
 लो॒क॒स्पृते॑ । अ॒न्तरि॒क्ष॒क्षित॑ इत्यन्तरि॒क्ष-क्षिते॑ । लो॒क॒स्पृते॑ लो॒कम् ।
 लो॒क॒स्पृत॑ इति॑ लो॒क - स्पृते॑ । लो॒क॒म॒स्मै । अ॒स्मै यज॑मानाय ।
 यज॑मानाय दे॒हि । दे॒हि नमः॑ । नमः॑ सू॒र्याय॑ । सू॒र्याय॑ दि॒वि॒क्षिते॑ ।
 दि॒वि॒क्षिते॑ लो॒क॒स्पृते॑ । दि॒वि॒क्षित॑ इति॑ दि॒वि - क्षिते॑ ।
 लो॒क॒स्पृते॑ लो॒कम् । लो॒क॒स्पृत॑ इति॑ लो॒क - स्पृते॑ । लो॒क॒म॒स्मै ।
 अ॒स्मै यज॑मानाय । यज॑मानाय दे॒हि । दे॒हीति॑ दे॒हि ॥ 52 (44/53)

(ये ते - चतुश्चत्वारिंशत्) (A24)

TS 7.5.25.1 - Kramam

यो वै । वा अ॒श्वस्य॑ । अ॒श्वस्य॑ मे॒द्ध्यस्य॑ । मे॒द्ध्यस्य॑ शि॒रः ।
 शि॒रो वे॒द । वे॒द शी॒र्ष॒ण्वान् । शी॒र्ष॒ण्वान् मे॒द्ध्यः॑ ।

शी॒र्ष॒ण्वानि॑ति॒ शी॒र्ष॒ण् – वान् । मे॒द्ध्यो॑ भवति । भव॒त्यु॒षाः ।
 उ॒षा वै । वा अ॒श्वस्य॑ । अ॒श्वस्य॑ मे॒द्ध्यस्य॑ । मे॒द्ध्यस्य॑ शि॒रः ।
 शि॒रः सूर्यः॑ । सूर्यश्चक्षुः॑ । चक्षु॒र् वातः॑ । वातः प्रा॒णः । प्रा॒णश्चन्द्र॑माः ॥
 प्रा॒ण इति॑ प्र – अ॒नः । च॒न्द्रमाः॑ श्रो॒त्रम् । श्रो॒त्रम् दि॒शः ।
 दि॒शः पा॒दाः । पा॒दा अ॒वा॒न्तर॑दि॒शाः । अ॒वा॒न्तर॑दि॒शाः पर्॒श॒वः ।
 अ॒वा॒न्तर॑दि॒शा इत्य॑वा॒न्तर – दि॒शाः । पर्॒श॒वोऽहो॑रा॒त्रे । अ॒हो॒रा॒त्रे
 नि॒मेषः॑ । अ॒हो॒रा॒त्रे इत्य॑हः – रा॒त्रे । नि॒मेषो॑ऽर्द्ध॒मा॒साः । नि॒मेष॑ इति॒
 नि – मेषः॑ । अ॒र्द्ध॒मा॒साः पर्वा॑णि । अ॒र्द्ध॒मा॒सा इत्य॑र्द्ध – मा॒साः ।
 पर्वा॑णि मा॒साः । मा॒साः स॒न्धाना॑नि । स॒न्धाना॑न्यृ॒तवः॑ ।
 स॒न्धाना॑नीति॒ सम् – धा॑नानि । ऋ॒तवो॑ऽङ्गानि । अ॒ङ्गानि
 सम्॒व॒त्सरः॑ । सम्॒व॒त्सर॑ आ॒त्मा । सम्॒व॒त्सर॑ इति॒ सम्–व॒त्सरः॑ ।
 आ॒त्मा र॒श्मयः॑ । र॒श्मयः॑ के॒शाः । के॒शा नक्ष॑त्राणि । नक्ष॑त्राणि
 रू॒पम् । रू॒पम् ता॒रकाः॑ । ता॒रका॑ अ॒स्थानि॑ । अ॒स्थानि॑ न॒भः ।
 न॒भो मा॒ञ्सानि॑ । मा॒ञ्सान्योष॑धयः । ओष॑धयो लो॒मानि॑ ।
 लो॒मानि॑ वन॒स्पतयः॑ । वन॒स्पतयो॑ वा॒लाः । वा॒ला अ॒ग्निः ।

अ॒ग्निर् मुख॑म् । मुख॑म् वै॒श्वान॑रः । वै॒श्वान॑रो व्या॒त्तम् ॥
व्या॒त्तं॑ स॒मुद्रः॑ । व्या॒त्तमि॑ति वि – आ॒त्तम् ॥ 53 (50/59)

TS 7.5.25.2 - Kramam

स॒मुद्र उ॒दर॑म् । उ॒दरम॑न्तरि॒क्षम् । अ॒न्तरि॑क्षम् पा॒युः ।
पा॒युर् द्या॑वापृथि॒वी । द्या॑वापृथि॒वी आ॒ण्डौ । द्या॑वापृथि॒वी इति॑
द्या॒वा – पृ॒थि॒वी । आ॒ण्डौ ग्रा॑वा । ग्रा॒वा शो॑पः । शो॒पः सोमः॑ ।
सोमो॑ रे॒तः । रे॒तो यत् । यज् ज॒ञ्ज॒भ्यते॑ । ज॒ञ्ज॒भ्यते॑ तत् ।
तद् वि । वि द्यो॑तते । द्यो॒तते॑ यत् । यद् वि॒धूनु॑ते । वि॒धूनु॑ते तत् ।
वि॒धूनु॑त इति॑ वि – धू॒नुते॑ । तद् स्त॒नय॑ति । स्त॒नय॑ति यत् ।
यन् मे॑हति । मे॒हति॑ तत् । तद् व॒र्षति॑ । व॒र्षति॑ वाक् । वागे॒व ।
ए॒वास्य॑ । अ॒स्य वाक् । वाग॑हः । अ॒हर् वै । वा अ॑श्वस्य ।
अ॑श्वस्य जा॒यमा॑नस्य । जा॒यमा॑नस्य म॒हिमा । म॒हिमा पु॒रस्ता॑त् ॥
पु॒रस्ता॑ज् जा॒यते॑ । जा॒यते॑ रा॒त्रिः । रा॒त्रिरे॑नम् । ए॒नम् म॒हिमा ।
म॒हिमा प॒श्चात् । प॒श्चाद॑नु । अ॒नु जा॒यते॑ । जा॒यत॑ ए॒तौ । ए॒तौ वै ।
वै म॒हिमा॑नौ । म॒हिमा॑ना॒वश्च॑म् । अ॒श्वम॑भितः । अ॒भितः॑ सम् ।

सम् ब॒भूव॑तुः । ब॒भूव॑तुर् ह॒यः । ह॒यो दे॒वान् । दे॒वान॑व॒हत् () ।
अ॒व॒ह॒र्वा । अ॒र्वाऽसु॑रान् । अ॒सु॒रान् वा॒जी । वा॒जी ग॑न्ध॒र्वान् ।
ग॒न्ध॒र्वान॑श्चः । अ॒श्वो म॑नु॒ष्यान् । म॒नु॒ष्यान्त् स॒मु॒द्रः । स॒मु॒द्रो वै ।
वा अ॑श्च॒स्य । अ॑श्च॒स्य यो॑निः । यो॑निः स॒मु॒द्रः । स॒मु॒द्रो ब॑न्धुः ।
ब॑न्धु॒रिति॑ ब॑न्धुः ॥ 54 (62/64)

(व्या॒त्त – म॒व॒ह॒द् – द्वा॒द॒श च) (A25)

तैत्तिरीय संहिता क्रम पाठे (TS 7.5)

Prasna Korvai with starting Padams of 1 to 25 Anuvaakams :-

(गा॒वो – गा॒वः॑ सि॒षा॒सन्तीः॑ – प्र॒थ॒मे॒ मा॒सि॑ – स॒मा॒न्यो॑ – य॒दि॒
सो॒मौ – ष॒ड॒है – रु॒थ् सृ॒ज्या(३)न् – दे॒वा॒ना – म॒र्क्ये॑ण – च॒र्मा॒ऽव॑
– पृ॒थि॒व्यै – द॒त्व॒ते – क॒स्त्वा –ऽग्नये॑ – यो वै – यः प्रा॑णतो –
॥
य आ॒त्म॒दा – आ ब्र॒ह्मन् – ना॒ऽक्रान् – ज॒ज्ञि बी॒ज –
मा॒ग्ने॒यो॒ऽष्टा॑क॒पालो –ऽग्नये॑ऽहो॒मु॒चे॑ऽष्टा॑क॒पालो –ऽग्नये॑स॒म॒न॒म॒द् –
ये ते प॒न्था॒नो – यो वा अ॒श्व॒स्य॒मे॒ध्य॒स्य शि॒रः – प॒ञ्च॒वि॒ंश॒तिः)

Korvai with starting Padams of 1, 11, 21 Series of Panchaatis :-

(गा॒वः – स॒मा॒न्यः – स॒व॒न॒म॒ष्टा॑भि – र्वा ए॒ते दे॒व॒कृ॒त॒ञ्चा –
ऽभि॒जि॒त्या इ॒त्याहु॑र् – व॒रु॒णो॒ऽद्भिः॑ सा॒म्ने – च॒तु॒ष् प॒ञ्चा॒सत्)

First and Last Padam of fifth Prasnam of 7th Kandam :-

(गा॒वः – स॒मु॒द्रो ब॒न्धुः)

Kaanda Korvai with starting Padams of all 5 Prasnam of Kandam 7

प्र॒ज॒न॒न् – सा॒द्याः – प्र॒ज॒वं – बृ॒ह॒स्प॒ति – गा॒वः – प॒ञ्च

सप्तम काण्डे – पञ्चमः प्रश्नः (TS 7.5)

Samhita Korvai with starting Padams of all Seven Kandams

इ॒षे – वा॒य॒व्यं – प्र॒जा॒प॒तिर् – यु॒ज्ज॒नाः – सा॒वि॒त्रा॒णि –
प्रा॒ची॒न॒व॒शो – प्र॒ज॒न॒न् – स॒प्त

॥ हरिः ओं ॥

॥ इति सप्तम काण्डे पञ्चमः प्रश्नः क्रम पाठः समाप्तः ॥

॥ इति सप्तमम् काण्डम् ॥

॥ इति तैत्तिरीय संहिता क्रम पाठः समाप्ता ॥

=====

तैत्तिरीय संहिता क्रम पाठे (TS 7.5)

Details of Panchati, Padam and Krama Vaakyam for Kandam 7, Prasanam 5 (TS 7.5)

	Panchati	Padams	Krama Vaakyam
Anuvakam 1	6	313	393
Anuvakam 2	2	102	112
Anuvakam 3	2	84	99
Anuvakam 4	2	102	129
Anuvakam 5	2	119	153
Anuvakam 6	4	215	278
Anuvakam 7	4	220	279
Anuvakam 8	5	261	323
Anuvakam 9	4	181	217
Anuvakam 10	1	49	56
Anuvakam 11	2	102	130
Anuvakam 12	2	102	119
Anuvakam 13	1	38	45
Anuvakam 14	1	47	64
Anuvakam 15	3	140	172
Anuvakam 16	1	38	46
Anuvakam 17	1	39	46
Anuvakam 18	1	41	46
Anuvakam 19	2	93	99
Anuvakam 20	1	31	41
Anuvakam 21	1	24	31
Anuvakam 22	1	30	49
Anuvakam 23	2	104	112
Anuvakam 24	1	44	53
Anuvakam 25	2	112	123
Total →	54	2631	3215

सप्तम काण्डे – पञ्चमः प्रश्नः (TS 7.5)

Details of Panchati, Padam and Krama Vaakyam for Kandam 7 (T.S 7.1 to TS 7.5)

	Anuvakams	Panchati	Padams	Krama Vaakyam
Prasnam 1	20	52	2635	3089
Prasnam 2	20	50	2330	2844
Prasnam 3	20	42	2123	2522
Prasnam 4	22	53	2621	3185
Prasnam 5	25	54	2631	3215
Total	107	251	12340	14855

Details of Panchati, Padam and Krama Vaakyam for Kandam 1 to Kandam 7

	Prasnam	Anu vakams	Panchatis	Padams	Krama Vaakyams
Kandam 1	8	146	342	16572	19094
Kandam 2	6	75	384	19273	22385
Kandam 3	5	55	206	10622	12254
Kandam 4	7	82	279	14095	16071
Kandam 5	7	120	403	19404	22512
Kandam 6	6	66	333	16981	19715
Kandam 7	5	107	251	12340	14855
Total	44	651	2198	109287	126886